

## **Kalaallit Nunaanni sulisilluni ajoqusersinnaanermut isumannaarineq pillugu inatsisip atortuulersinneqarneranik peqqussut**

UAGUT MARGRETHE AAPPAAT, Guutip Saammaanneranik Danmarkip Dronningia, nalunaar-pugut:

Sulisilluni ajoqusersinnaanermut isumannaarineq pillugu inatsimmi, tak. inatsimmik nalunaarut nr. 154, 7. marts 2006-imeersoq, § 90 naapertorlugu aalajangersarneqarput:

### **Kapitali 1 Peqqussutip siunertaa**

**§ 1.** Peqqussutip matuma siunertaraa ajoqusersimasunut taakkualuunniit sulisillutik ajoqusernemi-kut qimataannut taarsiissuteqartarnissaq ajunngitsorsiaqartitsinissarlu. Ajoquserneq suliamik ima-luunniit pissutsinik sulinermi atugaasunik pissuteqassaaq, tak. peqqussummi §§-it 6-imiit 8-mut, su-lisitsisorli tamatumunnga akisussaannerminik qimarratiginnissimasariaqanngilaq. Sulinermi avata-ngiisinik nakkutilliinermik suliallit sulisilluni ajoqusernissanik pinaveersimatitsiniarnerat sulisitsi-sut taarsiissutinik il.il. aningaasalersuinerisigut tapersorsorneqassaaq.

*Imm. 2.* Ajoqusersimasut taakkualuunniit qimataat aammalu sulisitsisoq, sillimmasiisarfik, Arbejds-markedets Erhvervssygdømssekretariat, pisortat oqartussaasut nakorsallu suliamik suliarinninnermi akuliutinneqartassapput. Ajoqusersimasut taakkualuunniit qimataasa ataqatigiissumik suliniuteqar-figineqarnissaannut pisariaqartitsineq tassuunakkut qulakkeerneqassaaq.

### **Kapitali 2 Peqqussutip atuuffii Inuit peqqussut naapertorlugu tunineqarsinnaasut**

**§ 2.** Inuit suliamik Kalaallit Nunaanni suliaqartussatut sulisitsisumit atorfinitsitaasimasut peqqussut manna naapertorlugu tunineqarsinnaapput, tak. §§-it 6-imiit 8-mut. Suliaq tassaasinnaavoq akissar-siaqarluni imaluunniit akissarsiaqarani suliaq, tassaasinnaallunilu ataavartumik, utaqqiisaagallartu-mik sivikitsuinnarmilluunniit suliaq.

*Imm. 2.* Sulisitsisup ilaqtai suliffeqarfimmi suliamik suussusiisigut annertussusiisigullu sulisunut allanut naligitinneqarsinnaagunik peqqussut manna naapertorlugu tunineqarsinnaapput.

*Imm. 3.* Namminersorlutik inuussutissarsiummik ingerlataqartut Kalaallit Nunaanni sulisut § 55, imm. 2 naapertorlugu imminnut isumannaariffigisimagunik peqqussut manna naapertorlugu tunine-qarsinnaapput.

*Imm. 4.* Inuit danskit umiarsuaataanni Kalaallit Nunaanni angerlarsimaffeqartumi sulisuusut inunnet Kalaallit Nunaanni sulisussatut atorfinitsinneqarsimasunut naligitinneqarput.

*Imm. 5.* Meeraq uumalluni erniusimasoq, naartuunermi nalaani anaanami sulinerata nassatarisaanik nappaateqalereersimaguni peqqussut manna naapertorlugu tunineqarsinnaavoq.

*Imm. 6.* Angajoqqaat naartup naartorineqalernera sioqqullugu meeqqalluunniit inunngornerata ki-ngorna naartumut meeqqamulluunniit ajoqusiisinnaasumik sunnigaasimanagerat kingusinnerusukkut uppersarneqarpat, naartoq meearluunniit peqqussut manna naapertorlugu tunineqarsinnaavoq. Ajoqusigaanerit taamaattut peqqussummi § 8-mi pineqartunut ilaatinneqarsinnaapput.

**§ 3.** Suliassaqtitsinermut ministerip Namminersorerullutik Oqartussat isumaqatiginiareerlugit peqqussutip makkununga qanoq atuunnissaanut maleruagassat aalajangersassavai

1) meeqqanut 18-it inorlugit ukiulinnut, isumaginninnermut tunngasutigut Inatsisartut peqqussutaanni pineqartunut, aamma

2) ilinniagaqartunut inunnulluunniit allanut ilinniagaqarnerminnut suliffimmilluunniit misiliinerminnut il.il. atatillugu ilinniarfimmiittunut sullivimmiittunulluunniit.

*Imm. 2.* Peqqussutip inunnut sulisitsisumik sullissillutik nunamut allamut suliarторallartitaasunut qanoq atuunnissaanut maleruagassat Arbejdsskadeystyrelsen pisortaata aalajangersassavai.

*Imm. 3.* Peqqussutip inunnut, Kalaallit Nunaanni pinerluttulerinermik inatsimmi pineqartunut qanoq annertutigisumik atuunnissaanut maleruagassat suliassaqtitsinermut ministerip inatsisunik atortitsinermut ministeri isumaqatiginiareerlugu aalajangersassavai.

**§ 4.** Sulisitsisumi sulinerit tamarmik sulisilluni ajoqusersinnaanermut isumannaarinermi pineqarput. Pineqarput sulisitsisup inuussutissarsiutigalugu inuussutissarsiutiginaaguluunniit suliffeqarfiutaani, aammalu sulisitsisup illuani sulinerit kiisalu sulisitsisumut taassumalu ilaqutaanut kiffartorluni sulineq.

*Imm. 2.* Aammattaq inuit ingerlatanik makkuninnga suliqaartut peqqussut manna naapertorlugu taarsiiffiqeqarsinnaapput, tak. §§-it 6-imiit 8-mut:

1) Inuiaqatigiinnik kiffartuussilluni kommuniniluunniit qinigaasimaneq tunngavigalugu suliqaar-neq.

2) Suliffeqarfimmi sulisut sulinerminni atugarisaannut atasumik sulisunut sinniisutut suliqaar-neq.

3) Inuup inuuneranik annaassiniarneq, ajoqusernernik pitsaaliuiniarneq imaluunniit atortutigut pior-sarsimassutsikkullu annertuunik annaasaqatsaaliuineq, iliuseq taamatut ittoq § 2 malillugu suliner-tut isigineqarsinnaanngikkaluarluni taamatut suliner-mut attuumassuteqaraangat.

4) Kalaallit Nunaanni inuup inuuneranik annaassiniarneq, iliuseqarneq pineqartup suliata nali-nginnaasumik ilaginngikkaluarpaguluunniit.

*Imm. 3.* Inatsisip suliartorluni sulereerlunilu angerlarluni ingerlanermi ajoquser-toqarnerani qanoq innikkut atuunnissaanut maleruagassat suliassaqtitsinermut ministerip aalajangersassavai.

**§ 5.** Ajoquser-toq taassumaluunniit qimatai ajoquser-ernerup kingorna Kalaallit Nunaata avataani aalajangersimasumik najugaqalersimatillugit sulisilluni ajoqusersinnaanermut isumannaarineq pillu-gu inatsimmi maleruagassat atuutsinneqassapput.

### Kapitali 3 Sulisilluni ajoquserneq

**§ 6.** Sulisilluni ajoquserneq peqqussummi matumani tassaatinneqarpoq ajoquserneq, tak. § 7, aamma inuussutissarsiornermi nappaatigiligaq, tak. § 8, suliamik imaluunniit pissutsinik suliner-mi atugaasunik pissuteqartoq.

**§ 7.** Ajoquserneq peqqussummi matumani tassaatinneqarpoq pisup sunnigaanerulluunniit tassanngaannartumik ullulluunniit tallimat qaangiutinnginneranni pisup kingunerisaanik inuup ajoqusi-gaanera.

*Imm. 2.* Ajoqusernerner-nut tunngatillugu peqqussutip matuma atuutilerfia tassaavoq ulloq ajoquserfik, imaluunniit sunnigaanerup ajoquserneqarnermut pissutaasup qaangiuffia, aatsaalli peqqussummi al-lamik aalajangersaasoqarsimangippat.

**§ 8.** Inuussutissarsiornermi nappaatigilikkat peqqussummi matumani tassaatinneqarput:

- 1) Nappaatit nakorsartinnikkut paasisat malillugit immikkut ittumik sunnerneqarnermik pissuteqartut, inuit aalajangersimasut suliatik imaluunniit pissutsit sulinermi atugaasut aqqutigalugit inunnit taamatut suliaqartuunngitsunit sunnerneqaatiginerusaat. Aammattaaq meeqqap uumalluni erniusup nappaatai, anaanaasup naartulluni sulinerata nassatarisaatut meeqqap naartuunermini nappaatigiligai. Arbejdsskadestyrelsen pisortaata Erhvervsstyrelsen isumaqatiginia-reerlugu, tak. sulisilluni ajoqusersinnaanermut isumannaarinq pillugu inatsimmi § 9, nappaatit suut taamaattut naatsorsuunneqarnermut allattorsimaffimmi aalajangersassavai.
- 2) Sulisillutik ajoqusersimasunik Sullissiviup pisortaata nappaataalersartut aalajangersimasut allattorsimaffimmut ilanngunneqarnissaat Arbejdsskadestyrelsen pisortaanut inassutigisinnaavaa.
- 3) Nappaatit allat, matumani ilanngullugit meeqqap uumalluni erniusimasup naartuunermini nappaatigiligai, uppersarsarneqarsinnaappat nappaat nakorsartinnikkut uppersarsaatissat nutaanerpaat malillugit piumasaqaatinik nr. 1, oqaaseqatigiinni siullerni taaneqartunik naammassinnittoq imaluunniit suliap immikkut ittumik pissusaanik pissuteqavissutut tamatuminnгалuunniit pissuteqarnerusutut naatsorsuunneqartariaqartoq.

*Imm. 2.* Nappaatit, angajoqqaat naartup naartorineqalernera sioqqullugu meeqqalluunniit inunngornerata kingorna naartumut meeqqamulluunniit ajoqusiisinnaasumik sunnigaasimanerannik pissuteqartut allattorsimaffiup imm. 1, nr. 1-imi taaneqartup allannortinneratigut imaluunniit imm. 1, nr. 2 malillugu peqqussummi pineqartunut ilanngunneqarsinnaassapput, sunnigaanerit taakku naartumut meeqqamulluunniit ajoqusiisinnaasumik kinguneqarsimanerat uppersarsarneqarpat.

*Imm. 3.* Nappaatit imm. 1, nr. 2-mi aamma imm. 2-mi pineqartut aatsaat Erhvervsstyrelsen saqqummiussereernikkut inuussutissarsiornermi nappaataalersutut akuerineqarsinnaapput, tak. sulisilluni ajoqusersinnaanermut isumannaarinq pillugu inatsimmi § 9. Nappaatit tamakku Erhvervsstyrelsen saqqummiunneqartassapput, saqqummiussinissaq Arbejdsskadestyrelsen imaluunniit Sulisillutik ajoqusersimasunik Sullissiviup angusaqarfiunngilluinnartussatut nalilingippassuk.

**§ 9.** Inuk nappaammik inuussutissarsiornermi nappaatigilikkat allattorsimaffianni ilanngunneqarsimasumik, tak. § 8, imm. 1, nappaateqalersimasoq peqqussut naapertorlugu pisartagaqarsinnaatitavoq, nappaat pissutsinik inuussutissarsiummut tunngassuteqanngitsunik pissuteqarsorineqanngippat.

*Imm. 2.* Inuussutissarsiornermi nappaataalersunut tunngatillugu peqqussutip matuma atuutilerfia tassaavoq ulloq nappaataalersup nalunaarutigineqarfia, aatsaalli peqqussummi allamik aalajangersaasoqarsimanngippat.

**§ 10.** Danmark sorsulersimappat ajoqusernerit sorsunnermi iliuutsit kingunerisaat sulisilluni ajoqusernertut naatsorsuunneqassanngillat. Inuilli angallatini umiartornermik aalisarnermilluunniit inuussutissarsiuteqarnermi nalinginnaasumik atugaasuni suugaluartuniluunniit sulisuusut, sorsunnermi iliuutsit kingunerisaannik ajoqusernerit atatillugu peqqussut manna naapertorlugu tunineqarsinnaapput. Tamanna aamma atuuppoq umiarsuarnut aalisarnermik nakkutilliissutitut umiarsuarnullu imaanik misissuinermit atugaasunut, kiisalu inunnut § 70 naapertorlugu aalisartutut piniartutullu isumannaagaasunut.

#### Kapitali 4 Aningaasat pisartakkat

**§ 11.** Aningaasat inatsit malillugu tunniunneqartartut tassaapput

- 1) katsorsartinnermut, sungiusartinnermut atortutigullu ikiorsiissutitut il.il. aningaasartuutitut aki-liutit, tak. § 15,
- 2) sulisinnaajunnaarnermi ullormusiat, tak. §§-it 17-imiit 21-mut,

- 3) inuussutissarsiorsinnaanermik annaasaqarnermut taarsiissutit, tak. § 22,
- 4) ataavartumik ajuuteqalernermi ajunngitsorsiat, tak. § 23,
- 5) toqusoqarnerani aningaasat ikaarsaariarnermi tunniuttakkat, tak. § 24,
- 6) pilersuisigisamik annaasaqarnermut taarsiissutit, tak. §§-it 25-miit 27-mut, aamma
- 7) qimagaasunut ajunngitsorsiat, tak. § 28.

Taarsiissutissanik il.il. annertussusiliisarneq pillugu malerugassat nalinginnaasut

**§ 12.** §§-it 15, 22 aamma 23 naapertorlugit ullormusiat, taarsiissutit aamma ajunngitsorsiat sulisilluni ajoqusernerup kingunerisai tunngavigalugit annertussusilerneqartassapput. Ajoqusersimasup peqqissutsikkut isumaginnikkullu atugai sulisilluni ajoqusernerinnarmut tunngatinneqarsinnaanngippata taarsiissutissat il.il. ikilineqarsinnaapput, pissutsilluunniit apeqqutaatillugit atorunnaarsinnaalutik.

*Imm. 2.* Inuussutissarsiorsinnaanermik annaasaqarneq, ataavartumik ajuuteqalernerneq imaluunniit inuup toqunera sulisilluni ajoqusernerup kingunerisaatut naatsorsuunneqassapput, allamik pissuteqarnerat uppersarneqarsinnaanngippat.

*Imm.3* Inuup ajoqusernera ajoqusernermik nalunaarutigineqartuinnarmik pissuteqanngitsoq uppersarneqarsinnaappat, tak. imm. 1, ajoquserneq tamatuminnaga ilisimatinneqassaaq kingusinnerpaamik ajoqusernerup akuerineqarneranik nalunaaruteqarnermut peqatigitillugu, tak. § 44.

**§ 13.** Ajoquserneq piimasaqaatit § 43-mi taaneqartut naammassiumanngippagit, imaluunniit peqqisarneqarnini peqqussutaasunik sumiginnaanermigut akornusersorpaga taarsiiffigineqarsinnaaneq tamakkiisumik ilaannakuusumilluunniit atorunnaarsinnaavoq.

*Imm. 2.* Qimagaasut toqusup timaanik pilattaanikkut misissuinissaq akerliuffigippassuk, tak. § 42, imm. 2, taarsiiffigineqarsinnaaneq atorunnaarsinnaavoq.

**§ 14.** Ajoquserneq piaaraluneerluni inatsisinulluunniit akerliusumik iliuuseqarluni imaluunniit iliuuseqanngitsoorluni sulisilluni ajoqusernermut pisuusimappat annertuumilluunniit pisooqataasimappat ullormusiaqarsinnaatitaaneq, inuussutissarsiorsinnaanermik annaasaqarnermut taarsiiffigineqarsinnaaneq aamma ataavartumik ajuuteqalernermi ajunngitsorsiaqarsinnaaneq annikillisinneqarlutiluunniit tamakkiisumik atorunnaarsinnaapput. Taamatut pisoqartillugu ajoquserneq tamatuminnaga erseqqilluinnartumik ilisimatinneqassaaq.

Nappaammik katsorsaaneq, sungiusaqinneq atortutigullu ikiorsiissutit il.il.

**§ 15.** Sapinngisamik pitsaanerpaamik peqqissinissaq anguneqassappat, aningaasartuutillu peqqinnissaqarfiup tunniuttagai il.il. pillugit Inatsisartut peqqussutaat malillugu imaluunniit isumaginninnermut tunngasut pillugit Inatsisartut peqqussutaat malillugit akilerneqarsinnaanngippata katsorsarneqarnermut sungiusarneqarnermulluunniit aningaasartuutit suliap suliarineqarnerata nalaani akilerneqarsinnaapput. Sungiusarneqarneq nakorsat nappaammik katsorsaanerannut malitsigitinneqartoq nakorsanit nakkutigineqartumik ingerlanneqassaaq.

*Imm. 2.* Nappaammik katsorsaanerup sungiusarneqarnerulluunniit kinguneqarluarnissaat, sulisilluni ajoqusernerup kingunerisaasa annikillisarinnissaat imaluunniit inuussutissarsiorsinnaanermik annaasaqarnerup qanoq annertutiginerata aammalu ataavartumik ajuuteqalernerup annertussusiata erseqqinnerusumik paasineqarnissaat qulakkeerniarlugit, aammalu aningaasartuutit peqqinnissaqarfiup tunniuttagai il.il. pillugit Inatsisartut peqqussutaat malillugu imaluunniit isumaginninnermut tunngasut pillugit Inatsisartut peqqussutaat malillugit akilerneqarsinnaanngippata timip ilaanut taarsi-

ussatut sanaanut, isarussanut atortutigullu ikiorsiissutitut assigisaannut kiisalu issiavinnut assakaa-sulinnut aningaasartuutit suliap suliarineqarnerata nalaani akilerneqarsinnaapput.

*Imm. 3.* Sulisilluni ajoqusernerup kingorna peqqissisinneqarnissamut, sungiusarnissamut atortuti-gullu ikiorsiissutitut siunissami aningaasartuutaajumaartussanut, peqqinnissaqarfiup tunniuttagai il.il. pillugit Inatsisartut peqqussutaat malillugu imaluunniit isumaginninnermut tunngasut pillugit Inatsisartut peqqussutaat malillugit akilerneqarsinnaangitsunut aningaasat taarsiissutissat ataasiar-tumik tunniunneqartussatut annertussusilerneqassapput. Aningaasartuutaajuartussat annertussusis-saat tassaassaaq ukiumut agguaqatigiissillugit aningaasartuutissatut naatsorsuutigineqartut, inuussu-tissarsiorsinnaanermik annaasaqarnermut taarsiissutissat ataatsikkut tunniunneqarneranni naatsorsu-nermi kisitsimmik § 32, imm. 4-mi annertussusilerneqartumik ganngerlugit.

*Imm. 4.* Atortutigut ikiorsiissut imm. 2-mi taaneqartoq sulisilluni atorineqarsimappat, atortutigullu ikiorsiissut suliamik imaluunniit pissutsinik sulinermi atugaasunik pissuteqartumik ajoquserneqarsi-mappat, atortutigullu ikiorsiissutip iluarsanneqarnera nutaamilluunniit taarserneqarnera peqqinnis-saqarfiup tunniuttagai il.il. pillugit Inatsisartut peqqussutaat malillugu imaluunniit isumaginninner-mut tunngasut pillugit Inatsisartut peqqussutaat malillugit akilerneqarsinnaangippat aningaasartuu-tit akilerneqarsinnaapput.

*Imm. 5.* Aningaasartuutit imm. 1-imiit 4-mut pineqartut, matumani ilanngullugit aningaasartuutit suliassap nalunaarutigineqarnera sioqqullugu aningaasartuutigineqarsimasut, qanoq annertutigisu-mik matussuserneqartarnissaannut maleruagassat Arbejdsskade styrelsen pisortaata aalajangersassa-vai.

*Imm. 6.* Sillimmasiisarfiit aamma Arbejdsmarkedets Erhvervssygdomssikringip aningaasartuutit imm. 1-imiit 4-mut pineqartut akilerneqarnissaannik piunasaqaatinik isummerfiginnissinnaanis-saannik maleruagassat Arbejdsskade styrelsen pisortaata aalajangersassavai.

**§ 16.** Nappaatip katsorsareerneratigut, sungiusaaqqereernikkut imaluunniit piginnaangorsaaqqe-reernikkut ajoquserup siunissami peqqissutsikkut atugarisassai inuussutissarsiorsinnaaneralu nali-liiffigissallugit tunngavissaqarpat Sulisillutik ajoqusersimasunik Sullissiviup aalajangissavaa ajoqu-sertoq inuussutissarsiorsinnaanermik annaasaqarnermut taarsiissutinik § 22 naapertorlugu taarsiiffi-gineqarsinnaanersoq aammalu ataavartumik ajuuteqalerneq pillugu ajunngitsorsianik § 23 naaper-torlugu tunineqarsinnaanersoq. Sulisilluni ajoqusernerup nalunaarutigineqarneraniit sapinngisamik ukioq ataaseq qaangiutsinnagu kingusinnerpaamillu ukiut marluk qaangiutsinnagit aalajangiiniarto-qartassaaq.

*Imm. 2.* Sulisilluni ajoquserneq toqumik kinguneqarsimappat imm. 1-imi taaneqartutuut piffissat taakkua ingerlaneranni, toqunerup nalunaarutigineqarneraniit naatsorsorlugu aalajangerneqassaaq toqusup qimatai toqusoqarnerani ikaarsaariarnermi tunniunneqartartunik, pilersuisigisamik annaasa-qarnermi taarsiissutinik aammalu qimagaasunut ajunngitsorsianik tunineqarsinnaanersut.

*Imm. 3.* Inuussutissarsiorsinnaanermik annaasaqarnermut taarsiissutit aamma ataavartumik ajuute-qalernermi ajunngitsorsiat naammassissutaasumik aalajangiisoqarnissaa tikillugu siumoortumik tunniunneqartarsinnaapput.

#### Ullormusiat

**§ 17.** Sulisilluni ajoqusernerup kingunerisaanik sulisinnaajunnaavinnermi ullormusiaqartitsisoqas-saaq.

*Imm. 2.* Ilaannakuusumik sulisinnaajunnaarnermi Sulisillutik ajoqusersimasunik Sullissiviup ullor-musiat tamatumunnga naapertuuttumik ikililersinnaavai.

**§ 18.** Ullormusiaqarsinnaatitaaneq aallartissaaq sulisilluni ajoqusernerup kingorna ulloq naallugu sulinngitsoorfigisamit siullermiit.

*Imm. 2.* Ullormusiat unitsinneqassapput ullormi ajoquser tup sulisinnaalerfiani, suliar tunngitsoornera peqqissinerminilluunniit nalunaaruteqanngitsoornera apeqqutaatinnagit. Sulisilluni ajoquserneq inuussutissarsiorsinnaanermik annaasaqarnermut taarsiiffigineqarnissamik piumasaqaateqarnermik kinguneqarpat piumasaqaatit qulaani taaneqartut malillugit ullormusiaqartitsineq Sulisillutik ajoqusersimasunik Sullissiviup inuussutissarsiorsinnaanermik annaasaqarnermut taarsiissuteqartoqarnissaanik aalajangiinissaata tungaanut ingerlaannassaaq.

**§ 19.** Ullormusiat ajoquser tup ukiumut akissarsiai tunngavigalugit naatsorsorneqassapput, tak. § 29, sapaatillu-akunnikkaartumik tunniunneqassallutik. Ullormusiat piffissamut aalajangersimasumut tunniunneqartussat koruuninut ilivitsunut qummut qaninnerpaanut akunnaallineqassapput.

*Imm. 2.* Taamaattorli ullormusiat aningaasanit, napparsimanermi erninermiluunniit ullormusiat pillugit inatsimmi § 50, imm. 1 malillugu annertussusilikkanit annerusinnaanngillat.

**§ 20.** Ajoquser toq napparsimanermi erninermiluunniit ullormusiat pillugit inatsit malillugu ullormusiaqarsinnaatitaappat peqqussut manna malillugu ullormusiaqartitsisoqassanngilaq.

*Imm. 2.* Sulisitsisoq sulisinnaajunnaaqqanermi akissarsiaqartitsiguni ajoquser tup ullormusiassaani tikusisinnaatitaavoq. Akissarsiat ullormusiatut naatsorsukkanit minneruppata aningaasat amigaataasut akissarsianut ilassutitut tunniunneqassapput.

**§ 21.** Ullormusiaqarsinnaatitaaneq aallartippat ajoquser tup sulisinnaajunnaarnermi sulisilluni ajoqusernermik nalunaarutigineqartumik pissuteqarnera pillugu nakorsap uppersaatitut oqaaseqaataani nassiussaqaarnissaa Sulisillutik ajoqusersimasunik Sullissiviup, Arbejdsmarkedets Erhvervsygdømsikringip sillimmasiisarfiulluunniit piumasarisinnaavaa.

#### Inuussutissarsiorsinnaanermik annaasaqarnermut taarsiissutit

**§ 22.** Sulisilluni ajoquserneq ajoquser tup sulinikkut aningaasarsiorsinnaanerata annikillineranik kinguneqarsimappat pineqartoq inuussutissarsiorsinnaanermik annaasaqarnermut taarsiiffigineqarsinnaavoq. Inuussutissarsiorsinnaanermik annaasaqarneq 15 pct.-imit annikinneruppata taarsiissuteqartoqassanngilaq.

*Imm. 2.* Inuussutissarsiorsinnaanermik annaasaqarnerup naliliiffigineqarnerani ajoquser tup piginnaassusii, ilinniagaqarsimanera, ukiui aammalu inuussutissarsiutitigut ilinniaqqissinnaanermut sungiusarneqarnissamullu periarfissai tunngavigalugit pineqartup sulinikkut aningaasarsiornissaanut periarfissatut piumasaqaataasinnaasut isiginiarneqartassapput.

*Imm. 3.* Inuussutissarsiorsinnaanerup qanoq annertutigineqarnera erseqqissumik paasineqanngippat Sulisillutik ajoqusersimasunik Sullissivik inuussutissarsiorsinnaanermik annaasaqarnermut taarsiissutisat pillugit aalajangiigallarsinnaavoq.

*Imm. 4.* Meeqqamut naartuunermini ajoquserneqarsimasumut, tak. § 8, imm. 1, nr. 2, imaluunniit meeqqamut, angajoqqaat meeqqap naartorineqalinnginneranili imaluunniit inunngoreernerani sunigaanerisa kingunerisaanik nappaateqalersimasumut, tak. § 8, imm. 2, inuussutissarsiorsinnaanermik annaasaqarnermut taarsiissutit tunniunneqartalersinnaapput siusinnerpaamik ukiut 15-issaanni.

*Imm. 5.* Taarsiissutit ingerlaavartumik tunniuttagassatut pisassanngortinneqassapput, § 32-mi male ruagassat naapertorlugit ataatsikkut aningaasannorlugit tunniutassanngortinneqanngikkunik.

*Imm. 6.* Inuussutissarsiorsinnaaneq tamakkiisumik annaaneqarsimatillugu ingerlaavartumik ukiumut tunniuttagassat ajoquser tup ukiumut akissarsiaasa 4/5-eraat, tak. § 29, inuussutissarsiorsinnaanerlu annikillimisimappat annikillieriaammut tamatumunnga naapertuuttuussallutik.

*Imm. 7.* Ukiumut tunniuttagassat 1/12-iat qaammatikkuutaartumik siumut tunniunneqartassaaq, tunniussisarnerlu piffissamiit inuussutissarsiorsinnaanermik annaasaqarnerup paasineqarfianiit aallartissalluni, kisiannili piffissaq sulisilluni ajoqusernerup nalunaarutigineqarfia sioqqullugu aallartissanani. Ajoquserneq piffissami aalajangiiffiusumi 63-inik ukioqalereersimappat taarsiissutissat § 32-mi maleruagassat naapertorlugit ingerlaavartumik ukiumut tunniuttakkat marloriaataattut angitigisut aningaasannorlugit ataatsikkut tunniunneqassapput, tak. imm. 6.

*Imm. 8.* Imm. 7 naapertorlugu taarsiissutit ingerlaavartumik tunniunneqartarnerat qaammatip pissarsisartup 65-inik ukioqalerfiata naanerani unitsinneqassaaq.

#### Ataavartumik ajuuteqalernermi ajunngitsorsiat

**§ 23.** Sulisilluni ajoquserneq ajoquserneq atoavartumik ajuuteqalerneranik kinguneqarpat pineqartoq ajunngitsorsianik tunineqarsinnaavoq. Ajuuteqalernerulli annertussusia 5 pct.-imit annikinnerusutut annertussusilerneqarpat ajunngitsorsiaqartitsisoqassanngilaq.

*Imm. 2.* Ajuuteqalernerup annertussusia ajoqusernerup nakorsaasarnep tungaanit isigalugu suussusia annertussusialu tunngavigalugit, aammalu sulisilluni ajoqusernerup ajoquserneq nammineq inuuniarneranut akornutissarsiarititai eqqarsaatigalugit aalajangiiffigineqartassaaq.

*Imm. 3.* Ataavartumik ajuuteqalernermi ajunngitsorsiat aningaasannorlugit ataatsikkut tunniutasannorluginneqassapput, ajuuteqalernerulli annertussusia 100 pct.-iutillugu 699.000 kr.-ussallutik. Aningaasat § 30 malillugu iluarsivigineqartassapput. Ajuuteqalernerup annikinnerutillugu ajunngitsorsiat tassaassapput 699.000 kr.-t ilaat ajuuteqalernerup annertussusianut naapertuuttut.

*Imm. 4.* Immikkut illuinnartunik pisoqartillugu atoavartumik ajuuteqalernermi ajunngitsorsiat anginerusunnorlugit annertussusilerneqarsinnaapput, annerpaamilli 699.000 kr.-t § 30 malillugu iluarsivigisat 120 pct.-iannut.

*Imm. 5.* Ajoquserneq sulisilluni ajoqusernermini 40-nik ukioqalersimappat ajunngitsorsiat pineqartup sulisilluni ajoqusernermi 39-nik ukioqalereerfianiit ukiut tamaasa 1 pct.-imik ikileriarinneqartassapput. Ajoquserneq 60-inik ukioqalersimappat taarsiissutissat pineqartup sulisilluni ajoqusernermi 59-inik ukioqalereerfianiit ukiut tamaasa suli 1 pct.-imik ikileriarinneqartassapput. Ajunngitsorsiali 69-ileereernikkut ikiliseqqinneqassanngillat.

#### Aningaasat toqusoqarnerani ikaarsaariarnermi tunniuttakkat

**§ 24.** Sulisilluni ajoquserneq toqumik kinguneqarsimappat katissimallugu aapparisaq qimagaasoq aningaasanik ikaarsaariarnermi tunniuttakkanik 127.600 kr.-nik tunineqarsinnaatitaavoq, sulisilluni ajoquserneq sioqqullugu aappariit katissimappata inooqatigiinnerlu ajoquserneq toqunera tikillugu attatiinnarneqarsimappat. Aningaasat § 30 malillugu iluarsivigineqartassapput.

*Imm. 2.* Aappariit sulisilluni ajoqusernerup kingornatigut katissimappata aappaasup qimagaasup aningaasat ikaarsaariarnermi tunniuttakkat taakku piumasarisinnaavai, katissimalluni aappariinneq ajoquserneq toqunera tikillugu ukiuni kingullerni marlunni attatiinnarneqarsimappat aappariillu piffissami ajoquserneq toquiani inooqatigiissimappata.

*Imm. 3.* Aningaasat ikaarsaariarnermi tunniuttakkat aamma qimagaasumut, ajoquserneq sulisilluni ajoquserneq sioqqullugu katissimallugu aapparisaatulli inooqatigisaanut pisassaritinneqassapput, inooqatigiinneq piffissami toquiusumi ukiuni kingullerni marlunni attatiinnarneqarsimappat.

*Imm. 4.* Toqusoq aningaasanik ikaarsaariarnermi tunniuttakkanik imm. 1-imiit 3-mut naapertorlugit pisinnaatitaasumik qimataqannigippat, aningaasat ikaarsaariarnermi tunniuttakkat inummut qimagaasumut allamut pisassannorluginneqarsinnaapput, taamaaliornissamut immikkut ittunik pissutissaqartillugu.

## Pilersuisigisamik annaasaqarnermut taarsiissutit

**§ 25.** § 24, imm. 1-imiit 3-mut naapertorlugit aningaasanik ikaarsaariarnermi tunniuttakkanik pisinnaatitaasoq, ajoquserullu toquneratigut pilersuisigisaminik annaasaqartoq imaluunniit pilersorneqarneq eqqarsaatigalugu toqusoqarneratigut atugarliornerulersussaq tamatumunnga taarsiiffigineqarsinnaatitaavoq. Taarsiissutissat pilersugaanerup annertussusia qimagaasullu imminut pilersornisamat, tassa ukiut, peqqissuseq, ilinniagaqarneq kiisalu pilersugaqarneq aningaasarsiornerlu eqqarsaatigalugit periarfissai tunngavigalugit annertussusilerneqassapput.

*Imm. 2.* Taarsiissutissat toqusup ukiumut akissarsiarisimasaasa 30 pct.-iisut ukiumut annertussuseqartut, tak. § 29, piffissap aalajangersimasup ingerlanerani tunniuttakkatut tunniunneqartassapput. Taarsiissutissat ulloq toqquik aallarnerfigalugu qaammammut 1/12-itut annertussusillit siumoortumik tunniunneqartassapput. Ukiut pisartagaqarfissat annerpaamik ukiunik qulinik amerlassusilerneqarsinnaapput. Toqusoqarnerali pissutigalugu qimagaanersiutisiaqartitsisoqassappat taarsiissutissat aatsaat piffissap qimagaanersiuteqartitsiviup naaneraniit tunniunneqartallissapput. Toqusoq inatsit manna naapertorlugu inuussutissarsiorsinnaanermik annaasaqarnermut taarsiissutinik ingerlaavartumik pissarsisarsimappat, pilersuisigisamik annaasaqarnermut taarsiissutit aatsaat ullup toqquiusup kingorna qaammatip tulluuttup aallaqqaataaniit tunniunneqartallissapput.

*Imm. 3.* Imm. 2 naapertorlugu tunniuttakkat piffissami pisartagaqarfissatut aalajangikkami allanguuteqaratik ingerlaannassapput, tunniuttakkat tamakkiisumik ilaannakuusumilluunniit ataatsikkut aningaasannorlugit tunniutassannortinneqanngippata imaluunniit pisartagaqarsinnaatitaasoq toqunngippat.

*Imm. 4.* Qimagaasunut tunngatillugu taarsiissutit ingerlaavartumik tunniunneqartarnerat qaammatip pissarsisartup 65-inik ukioqalerfiata naaneraniit unitsinneqassaaq.

**§ 26.** Toqusoq qitornaminik pilersussallugit pisussaatitaaffigisaminik imaluunniit akilersuuteqarfiggissallugit pisussaatitaaffigisaminik qimataqarpat meeqqat tamarmik, angajoqqaamik arlaannik suli najorteqartut 18-inik ukioqalernissartik tikillugu ingerlaavartumik pisartagaqarsinnaatitaassapput, toqusup ukiumut akissarsiarisimasaasa 10 pct.-iisut ukiumut annertussuseqartunik, tak. § 29.

*Imm. 2.* Meeqqap imm. 1 naapertorlugu ingerlaavartumik pisartagaqartitaasup angajoqqaatu ariliga toquppat, meeraq toqusup ukiumut akissarsiarisimasaasa 20 pct.-iisut annertussuseqartunik piffissami sinneruttumi ukiumut pisartagaqartinneqassaaq. Ukiut tunniuttakkat taakku meeqqanut tamanut toqusup kisimiilluni pilersugarisimasaanut pisartagassannortinneqassapput meeqqat 18-iliinisaat tikillugu.

*Imm. 3.* Meeraq 18-inik ukioqalernermini ilinniartuuppat, pissutsillumi taamaaliornissamat tunngavissaqartitsippata taava pisartagaqartitsineq ilinniarnerup naammassinissaanut sivitsorneqarsinnaavoq, sivirusnerpaamilli pineqartup 21-liinera tikillugu. Aamma toqusup qitornaa toqunerup nalaani 18-ileereersimasoq ilinniagaqartuusorlu taamatulli periarfissaqartitaassaaq.

*Imm. 4.* Imm. 1-imiit 3-mut naapertorlugit pisartagarititassat toqusup ukiumut akissarsiarisimasaasa 50 pct.-iinut amerlaneruppata, pisartagassat ataasiakkaat katillutik toqusup ukiumut akissarsiarisimasaasa 50 pct.-iinut ikililerneqassapput. Tassunga peqatigitillugu § 25 naapertorlugu taarsiissutit tunniunneqartarpata tunniuttakkat taamatulli toqusup ukiumut akissarsiarisimasaasa 40 pct.-iinut ikililerneqassapput.

*Imm. 5.* Imm. 1-imiit 3-mut naapertorlugit pisartagarititat ulloq toqquik aallarnerfigalugu qaammammut 1/12-itut annersussusillit siumoortumik tunniunneqartassapput. Toqusoqarnerali pissutigalugu qimagaanersiutisiaqartitsisoqassappat taarsiissutissat aatsaat piffissap qimagaanersiuteqartitsiviup naaneraniit tunniunneqartallissapput.



§ 27. §§-it 25 aamma 26 naapertorlugit ukiumut pisartagaritit tamarmiusut toqusup ukiumut akissarsiarisimasaasa 70 pct.-iinit minneruppata killissarititaasup taassuma iluani pissutsit immikkut ittut tunngavigalugit taarsiissutissanik allanut, toqusup tamakkiisumik ilaannakuusumilluunniit suli-silluni ajoqusernini tikillugu pilersorsimasaanut pisassanngortitsisoqarsinnaavoq. Taarsiissutissat, toqusup qitornassanut 21-it inorlugit ukiulinnut taarsiissutit eqqaassanngikkaanni ataatsikkut aningaasannorlugit tunniunneqarsinnaapput, tak. § 32.

#### Qimagaasunut ajunngitsorsiat

§ 28. Toqusoqarnera piaaraluneertoqarnerani mianersuaalliorujussuortoqarneraniluunniit pisimappat qimagaasut toqusumut immikkut ittumik qaniginnittuusut immikkut ittumik ajunngitsorsiaqartinneqarsinnaapput.

*Imm. 2.* Imm. 1 naapertorlugu ajunngitsorsiaqartitsinissamik naliliinermi, aammalu ajunngitsorsiat annertussusissaannik aalajangiinermi ajoqusiisup iliuusaata suunera, taamatullu aamma qimagaasumut qimagaasunulluunniit qanoq naalliuutaatigisimanagera ajoqusiisimanageraluunniit immikkut ittumik isiginiarneqassapput.

#### Kapitali 5

##### Ukiumut akissarsianik annertussusiliisarneq iluarsisuteqartarnerlu

§ 29. Ukiumut akissarsiat tassaapput ajoquser tup ukiumi ajoquserfimmi siuliani akissarsiai tamarmiusut. Atorfinitsitaanermi immikkut ittunik atugasaqartitsisoqarsimappat, imaluunniit ajoquser toq inuussutissarsiornikkut nappaatigilikkanik pissutigalugu ukiup siulia tamaat akissarsiani piginnarlugit sulisinneqarsimanngippat, imaluunniit ajoquser toq nappaatip ulloq nalunaarutigineqarfia sioqqullugu piffissami sivikinnerusumi sivisunerusumiluunniit inuussutissarsiorsinnaasimanngippat ukiumut akissarsiat missingersuinikkut amerlassusilerneqartassapput.

*Imm. 2.* Ukiumut akissarsianut ilanngullugit naatsorsuutigineqassapput akeqanngitsumik nerisaqartitaanerup ineqartitaanerullu nalingat kiisalu allat nioqqutissanngorlugit tunniunneqartartut nalingat. Arbejdsskadestyrelsen pisortaata inuit sulisitsisuminni najugaqarallartut nerisaqarnerisa ineqarnerisalu nalingat aalajangersassavaa.

*Imm. 3.* Ukiumut akissarsiat 419.000 kr.-t sinnerlugit annertussusilerneqarsinnaanngillat. Aningaasat § 30 naapertorlugu iluarsivigineqartassapput.

*Imm. 4.* Ajoquser toq 18-it inorlugit ukioqarpat imaluunniit ilinniagaqartuuppat ukiumut akissarsianik annertussusiliinermi, ajoquser tup ajoquserneq pisimanngitsuuppat 18-inik ukioqalereermigut inuussutissarsiornermigut ilinniagaqareermigulluunniit isertitarisinnaasai eqqarsaatigineqassapput. Ukiumulli akissarsiat minnerpaamik 51.100 kr.-nik, § 30, imm. 2 naapertorlugu iluarsivigisanut annertussusilerneqassapput, ajoquser tup inuussutissarsiorsinnaanera sulisilluni ajoquserneq sioqqulluguli annertuumik annikilleriareersimanngippat.

*Imm. 5.* Sulisitsisunut § 55, imm. 5 naapertorlugu imminnut isumannaariffiginissamut pisussaaffeqartunut, aammalu inunnut inuussutissarsiutini § 55, imm. 5-imi taaneqartuni sulisussatut sulisusarsiarineqarsimasunut tunngatillugu ukiumut akissarsiat minnerpaamik 51.100 kr.-nik annertussusilerneqassapput.

*Imm. 6.* Sulisilluni ajoquserneq pisimanngitsuuppat isertitat ataavartumik annertuumik allannngortusaatillugit, ukiumut akissarsiatut ullormusianik naatsorsuiner mi tunngavigineqartussatut isertitaasanganatinnegartut piffissamit isertittakkat allannguuteqarfigisassaraluanniit naatsorsorneqassapput.

*Imm. 7.* Namminersorlutik inuussutissarsiummik ingerlataqartunut tunngatillugu ukiumut akissarsiat naatsorsornissaannut maleruagassat erseqqinnerusut Arbejdsskadestyrelsen pisortaata aalajangersassavai, tak. § 55, imm. 2.

*Imm.* 8. Ullormusiat aamma inuussutissarsiorsinnaanermik annaasaqarnermut pilersuisigisamillu annaasaqarnermut taarsiissutissat ingerlaavartumik tunniuttagassat naatsorsornissaannut iluarsii-  
ginissaannullu tunngaviusussamik akissarsianik annertussusiliisoqassaaq. Taakku ukiumut akissar-  
siat imm. 1-imiit 7-imut maleruagassat naapertorlugit annertussusilikkat, 51.100 kr.-t ukiumullu  
akissarsiat minnerpaaffissaasa sulisilluni ajoqusernerup pinerani atuuttut nakingassutaannik gan-  
gernerisigut naatsorsorneqassapput.

**§ 30.** Ataavartumik ajuuteqalernermi ajunngitsorsiat § 23-mi taaneqartut, aamma ukiumut akissarsi-  
at annerpaaffissaat § 29, imm. 3-mi taaneqartoq sulisilluni ajoqusersinnaanermut isumannaarinq  
pillugu inatsimmi § 25, imm. 1-imi maleruagassat naapertorlugit iluarsii-  
gineqassapput.

*Imm.* 2. Aningaasat ikaarsaariarnermi tunniuttakkat § 24-mi taaneqartut aamma ukiumut akissarsiat  
minnerpaaffissaat § 29, imm. 4-mi 5-imilu taaneqartoq procentimik, Kalaallit Nunaanni akinut ilu-  
arsiissummut naleqqersuutip ukiup siuliani julip qaammataani atuuttup Kalaallit Nunaanni akinut  
iluarsiissummut naleqqersuutip juli 2007-imi atuuttumut naleqqiullugu allannguutaanut naapertuut-  
tumik ukiut tamaasa 1. januarimi iluarsii-  
gineqartassapput. Aningaasat tassuunakkut naatsorsukkat  
koruuninut 100-mik agguarneqarsinnaasunut qaninnerpaanut qummut akunnaallineqassapput.

*Imm.* 3. Ullormusiat ingerlaavartumillu tunniunneqartartut akissarsiat tunngaviusut aallaavigalugit  
aalajangersarneqartut, tak. § 29, imm. 8, aningaasat imm. 2-mi taaneqartut procentiata assinganik  
iluarsiivigineqassapput.

*Imm.* 4. Arbejdsskade styrelsen pisortaata ukiut tamaasa oktoberip qaammataa naatinngu sutigut ilu-  
arsiissuteqartoqassanersoq nalunaarutigisassavaa. Allannguutissat januarip tulliuttup aallaqqaataa-  
niit atuutilertassapput.

*Imm.* 5. Inunnut Kalaallit Nunaata avataani najugalinnut ingerlaavartumik pisartagaritit piffissamit  
tunniunneqartalerfianniit sulisilluni ajoqusersinnaanermut isumannaarinq pillugu inatsimmi § 25,  
imm. 2-mi maleruagassat naapertorlugit tunniunneqartarlutillu iluarsii-  
gineqartassapput, siusinner-  
paamilli piffissami pineqartup Kalaallit Nunaata avataani aalajangersimasumik najugaqalerfianiit  
aallartittumik.

*Imm.* 6. Taarsiissutitut pisartagassanik ingerlaavartumik tunniunneqartartussanik annertussusiliiner-  
mi, ataatsikkut aningaasannorlugit akiliinissami kiisalu ataavartumik ajuuteqalernermi ajunngitsor-  
siat aningaasartaannik annertussusiliiner-  
mi taarsiissutissat aamma ajunngitsorsiat, sulisilluni ajoqu-  
serneq piffissap aalajangiiffiup nalaani pisutut isigalugu naatsorsorneqassapput.

*Imm.* 7. Ukiumut ingerlaavartumik pisartagaritit 12-imik agguarneqarsinnaanngitsut koruuninut  
12-imik agguarneqarsinnaasunut qaninnerpaanut qaffanneqassapput.

## Kapitali 6 Taarsiissutit tunniunneqartarnerat

**§ 31.** Peqqussut manna malillugu taarsiissutissat, ataavartumik ajuuteqalernermi ajunngitsorsiat ul-  
lormusiallu ajoqusernumut qimagaasunullu tunniunneqassapput, taamaattorli tak. imm. 5.

*Imm.* 2. Sulisillutik ajoqusersimasunik Sullissiviup immikkut ittunik pisoqartillugu ullormusiat,  
taarsiissutit ataavartumillu ajuuteqalernermi ajunngitsorsiat ajoqusernumut qimagaasunullu tunnius-  
sinnaavai, aningaasallu akilerallakkat tamatuma kingorna sillimmasiisarfimmut imaluunniit Ar-  
bejdsmarkedets Erhvervsygdomsikringimut piumasaqaatigalugit.

*Imm.* 3. Aningaasat imm. 1-imi pineqartut ullormit aningaasat pisassanngortinneqarnerannik nalu-  
naaruteqarfiusumiit sap.ak. 4-nit kingusinnerusumik tunniunneqarpata, aningaasat sap.ak. 4-nik pif-  
fissaliussap naaneraniit tunniunneqarnissaat tikillugu erniat ukiumoortut, kingusinaarluni akiliiner-  
mi il.il. ernialersuisarneq (pillaatitut ernialersuisarneq) pillugu inatsit, Kunngip peqqussutaatigut  
Kalaallit Nunaanni atuuttussanngortinneqarsimasoq naapertorlugu annertussusiligaasut annertoqqa-

taannik ernialersorneqassapput. Pisuni § 34, imm. 1-imi pineqartuni piffissaliusaaq tassaavoq ullor-  
mit kommunip utertitsivigineqarnissamik piunasaqaammik taarsiissutitut akiliuteqartussamut inaa-  
rutaasumik nalunaaruteqarfigisaaniit ullut 14-it.

*Imm. 4.* Ullormusiaqarsinnaatitaaneq, inuussutissarsiorsinnaanermik annasaqarnermut pilersuisigi-  
samillu annasaqarnermut taarsiissutit ingerlaavartumik tunniunneqartartussatut pisassanngortinne-  
qarsimasut qaammatip tunniunneqartartunik pissarsisartup toquffiata naanerani tunniunneqartarun-  
naassapput.

*Imm. 5.* Taarsissutissat qaammammut toqquiusumut tunngassuteqartut aammalu qaammatinut siu-  
sinnerusunut tunngassuteqartut tunniunneqarsimangippata taarsiissutissat pissarsisartup katissimal-  
lugu aapparisaanut tunniunneqassapput, aappariit piffissami toqquiusumi inooqatigiissimappata.  
Pissarsisartuq katissimallugu aapparisaaminik inooqatigisaminik qimataqanngippat aningaasat toqu-  
sup pigisaanut tunniunneqassapput.

**§ 32.** Ukiumut ingerlaavartumik taarsiissutissat inuussutissarsiorsinnaanermik 50 pct. inorlugu an-  
naasaqarnermut § 22 malillugu pisassanngortitaasut nalinginnaasumik, aammalu taarsiissutisisin-  
naatitaasoq akuersiseqqaanngikkaluarlugu aningaasanngorlugit ataatsikkut tunniussassanngortinne-  
qassapput. Inuussutissarsiorsinnaanermik annasaqarnermut taarsiissutissat inunnu piffissami aala-  
jangiiffiusumi 63-inik ukioqalereersunut § 22, imm. 7, oqaaseqatigiit aappaat naapertorlugit pias-  
sanngortinneqartut tamatigut aningaasanngorlugit ataatsikkut tunniunneqartassapput. Inuussutissar-  
siorsinnaanermik annasaqarnermut taarsiissutissat pillugit § 22, imm. 3 naapertorlugu utaqqiisaa-  
gallartumik aalajangiisoqarsimatillugu taarsiissutissat aningaasanngorlugit ataatsikkut tunniussas-  
sanngortinneqarsinnaanngillat.

*Imm. 2.* Inuussutissarsiorsinnaanermik annasaqarnermut 50 pct.-iusumut taassumangalu annertu-  
nerusumut ukiumoortumik ingerlaavartumik taarsiissutissanik pisassanngortitsisoqarsimatillugu,  
taarsiissutisisinnaatitaasup tamanna qinnutigippagu taarsiissutissat ilaat inuussutissarsiorsinnaaner-  
mik annasaqarnerup 50 pct.-itai tikillugit annertussuseqartut aningaasanngorlugit ataatsikkut tunni-  
utassanngortinneqassapput. Pissarsisusaaq 63-inik ukioqalereersimappat taarsiissutissatut ingerlaa-  
vartumik tunniutassanngortinneqartut aningaasanngorlugit ataatsikkut tunniutassanngortinneqarsin-  
naanngillat.

*Imm. 3.* Pilersuisigisamik annasaqarnermut § 25 naapertorlugu taarsiissutissat taarsiissutisisinnaa-  
titaasup qinnuteqarneratigut aningaasanngorlugit ataatsikkut tunniunneqassapput.

*Imm. 4.* Ingerlaavartumik pisartagarititat aningaasanngorlugit ataatsikkut tunniutassanngortinneqar-  
neranni, pisartagarisat piffissami aningaasanngorlugit ataatsikkut tunniunneqarfigisaanni annertus-  
susiata tunngavigineqassaaq, piffissaq tassaalluni piffissaq aningaasanngorlugit ataatsikkut tunniun-  
neqartussat tunniunneqarfigisinnaasaat. Taarsiissutinik aningaasanngorlugit ataatsikkut tunniussas-  
sanngortitsisarneq taamaallaat siunissami pisussanut atuutissaaq. Ingerlaavartumik pisartagarititanik  
aningaasanngorlugit ataatsikkut tunniussisoqartarnissaa maleruagassat, sulisilluni ajoqusernertut 1.  
juli 2007 sioqqullugu pisunut tunngasut, suliasaqartitsinermut ministerip, sulisilluni ajoqusersin-  
naanermut isumannaarineq pillugu inatsimmi § 27, imm. 4 naapertorlugu aalajangersagai malillugit  
pisassaaq.

*Imm. 5.* Inuussutissarsiorsinnaanermik annasaqarnermut taarsiissutissat pillugit inaarutaasumik aa-  
lajangiisoqarpat, taarsiissutisisinnaatitaasullu taarsiissutissat aningaasanngorlugit ataatsikkut tunni-  
unneqarnissaat qinnutigisimappagu, taarsiissutisisinnaatitaasorli aningaasanngorlugit ataatsikkut  
tunniunneqartussat tunniunneqannginneranni toqusimappat, taava aningaasat toqusup pigisaanut  
tunniunneqassapput. Ingerlaavartumik pisartagarititanik aningaasanngorlugit ataatsikkut tunniussas-  
sanngortitsineq pisartagarititat ullup toqquiusup siuliani annertussusiata tunngavigalugu pissaaq.

**§ 33.** Ajoqusertoq sulisilluni ajoqusernerup kingunerisaanik Kalaallit Nunaanni atorfillit soraarnerussutisiaat pillugit malittarisassat atuuttut malillugit soraarnerussutisiaqartussaappat, ajoqusertup inuussutissarsiorsinnaanermik annaasaqarnermut inatsit manna naapertorlugu taartisiassaasa nalingi ikilisinneqassapput. Ikilisisissut atorfillittut qanoq sivilisutigisumik sulisimaneq tunngavigalugu soraarnerussutisiat saniatigut qaffaatip nalingata 2/3-ianik annertussuseqassaaq.

*Imm. 2.* Sulisilluni ajoquserneq toqumik kinguneqarpat, qimagaasullu Kalaallit Nunaanni atorfillit soraarnerussutisiaat pillugit malittarisassat atuuttut malillugit soraarnerussutisianik pisartagaqartussaappata, inatsit manna naapertorlugu ukiumut ingerlaavartumik pisartagaritit soraarnerussutisiat toqusup toqugami atorfillittut qanoq sivilisutigisumik sulisimanera tunngavigalugu soraarnerussutisiaritinneqartut saniatigut qaffaatip nalingata 2/3-ianik ikilisinneqassapput.

*Imm. 3.* Imm. 1-imi 2-milu aalajangersakkat taamatuttaaq atuutissapput inatsit manna naapertorlugu taarsiissutisinnataasunut allanut, Kalaallit Nunaanni atorfillit pillugit malittarisassanut naapertuuttumik soraarnerussutisiaqartinneqartussatut aalajangersaavigineqarsimasunut. Taamaattoqartilugu sillimmasiisarfiup imaluunniit Arbejdsmarkedets Erhvervssygdomssikringip soraarnerussutisianik tunniussisussap, ajoqusertup qimagaasulluunniit inatsit manna naapertorlugu taartisiassaani ilanngaatisatut naatsorsorneqarsimasut annertoqqataat akilissavai.

**§ 34.** Ajoqusertoq qimagaasulluunniit isumaginninnermut tunngasut pillugit Inatsisartut peqqussutaat malillugit piffissami aalajangersimasumi aningaasanik pisartagaqarsimappata, kingusinneruskullu ullormusianik, tak. §§-it 17-imiit 21-mut, inuussutissarsiorsinnaanermik annaasaqarnermut ingerlaavartumik taarsiissutinik, tak. § 22, imaluunniit pilersuisigisamik annaasaqarnermut taarsiissutinik, tak. §§-it 25-miit 27-mut tunineqartussanngortitaallutik, taava kommuni utertitsivigineqarnissamik sillimmasiisarfiup imaluunniit Arbejdsmarkedets Erhvervssygdomssikringimut piumasqaartussaavoq. Utertitsivigineqarnissamik piumasarineqartut tassaapput aningaasat Inatsisartut peqqussutaat taaneqartut malillugit tunniunneqarsimasut aningaasallu isumaginninnikkut tunniuttakkanut peqatigitillugu taarsiissutinik akiliisoqassagaluarpat tunniunneqarsimasussaagaluit nikingassutaat. Kommunilli utertitsivigineqarnissamik piumasqaatai aningaasanit inatsit manna naapertorlugu pineqartumut piffissami tassani tunniunneqarsimasunit amerlanerusinnaanngillat. Utertitsivigineqarnissamik piumasqaat kommunip taarsiissutissanik tunniussisoqarnissaanik nalunaarfigineqarneraniit sap.ak. 4-t qaangiutinnginneranni saqqummiunneqanngippat piumasqaarsinnaaneq atorunnaassaaq.

*Imm. 2.* Ajoqusertoq taassumaluunniit qimatai sulisilluni ajoqusernerup kingunerisaanik taarsiiffigineqarsimappata ajunngitsorsiaqartinneqarsimappataluunniit, ajoqusiisoq taarsiissuteqarnissamut akisussaasoq taassumaluunniit akisussaasutut sillimmasiisarfiata sulisilluni ajoqusersinnaanermut sillimmasiisarfiup imaluunniit Arbejdsmarkedets Erhvervssygdomssikringimit utertitsivigineqarnissamik piumasqaartussaavoq. Ajoqusiisup taarsiissuteqarnissamut akisussaasup taassumaluunniit akisussaasutut sillimmasiisarfiata piumasarisasa assigaat aningaasat taarsiissutigineqartussat ajunngitsorsiaritinneqartussallu sulisilluni ajoqusersinnaanermut sillimmasiisarfiup imaluunniit Arbejdsmarkedets Erhvervssygdomssikringip piffissami piumasqaatait saqqummiunneqarfianni akilissallugit pisussaaffii.

**§ 35.** Piumasarisat ajoqusertup taassumaluunniit qimataasa inatsit naapertorlugu pisassarisaat isumaqatigiissuteqarnikkut allanut nuunneqarsinnaanngillat. Akiligassaqarfiit piumasarisat taakku aki-liutigitissinnaanagilluunniit eqqartuussiviit aqputigalugit malersorsinnaanngilaat.

## Kapitali 7

### Nalunaarutiginninneq suliamillu suliaqarneq

**§ 36.** Sulisilluni ajoquserneq peqqussut naapertorlugu aningaasanik pisartagaqarnissamik piunasaqarfiusinnaassangatitaaq sapinngisamik piaarnerpaamik kingusinnerpaamillu ajoqusernermiit ullut 9-t qaangiunneranni nalunaarutigineqassaaq.

*Imm. 2.* Sulisilluni ajoquserneq imm. 1 naapertorlugu nalunaarutigineqanngitsoq, ajoqusernerullu pineraniit sap.akunnerisa tallimat qaangiunneranni ajoquserup tamakkiisumik nalinginnaasumik sulilersinnaasimannginneranik nassataqartoq kingusinnerpaamik tamatuma qaangiunnerani ullut 9-t qaangiunneranni nalunaarutigineqassaaq.

*Imm. 3.* Inuussutissarsiornermi nappaatigilikkat, tak. § 8, pillugit nalunaaruteqarnissamut piffissaritaaq piffissamit nalunaarutiginninnissamut pisussaasup nappaatip inuussutissarsiornermik pissuteqarsorineqarneranik ilisimasaqalerfigisaaniit aallartittumik naatsorsorneqassaaq.

*Imm. 4.* Sulisillutik ajoqusersimasunik Sullissivik sulisilluni ajoqusernerup kingunerisaanik toqusuteqarsorinnineq pillugu, aamma suliffigisami toqusoqarnera suugaluartorluunniit pillugu nal. akunneri 48-t qaangiutsinnagit ilisimatinneqassaaq. Sulisilluni ajoquserneq toqumik kinguneqarsimasinnaasooq imm. 1-imiit 3-mut naapertorlugit nalunaarutigineqareersimagaluarpalluunniit imaluunniit nalunaarutigineqartussaagaluarpalluunniit ilisimatitsineq pissaaq.

**§ 37.** Sulilluni ajutoornernik nalunaaruteqartussaataavoq sulisitsisoq isumannaarinissamut pisussaataasooq, tak. § 55.

*Imm. 2.* Inuk angerlarsimaffimmi allatulluunniit sulisitsisumit namminermit sulisitaasooq isumannaariffigisaanissamullu pisussaaffiunngitsoq, tak. § 55, imm. 7, pillugu nalunaaruteqarnissaq sulisitsisup pisussaaffigaa.

*Imm. 3.* Inuk § 55, imm. 2, 4 aamma 5 naapertorlugit imminut isumannaariffigisimasooq aamma inuk § 4, imm. 2, nr. 4-mi pineqartunut ilaasooq nalunaarutigineqassaaq pineqartumit namminermit imaluunniit taassuma qimataanit.

**§ 38.** Sulisitsisup nalunaaruteqartussaataasup, tak. § 37, aammalu inuup imminut isumannaariffigisimasup, tak. § 55, imm. 2, 4 aamma 5, ajoqusernerit Sulisillutik ajoqusersimasunik Sullissivimmut nalunaarutigissavaat.

*Imm. 2.* Ajoqusernerit aammattaaq Sulisillutik ajoqusersimasunik Sullissivimmut nalunaarutigineqartassapput imaattoqartillugu

- 1) isumannaarinnittussaataaneq eqquutsinneqarsimanngippat, tak. § 55, imm. 1 aamma 5,
- 2) isumannaarinnittussaataasooqanngippat, tak. § 55, imm. 6 aamma 7, imaluunniit
- 3) ajoquserneq § 4, imm. 2, nr. 4-mi pineqartunut ilaappat.

*Imm. 3.* Ajoquserup taassumaluunniit qimatai inuussutissarsiornikkut nappaatigilikkamik sulisilluniluunniit ajoqusernermik Sulisillutik ajoqusersimasunik Sullissivimmut nalunaaruteqarsinnaapput, sulisitsisoq sulisilluni ajoqusernermik nalunaaruteqartussaagaluarpalluunniit.

**§ 39.** Nakorsat kigutillu nakorsaasa inuussutissarsiornermi nappaatigilikkat qularnaatsut taamatullu pasitsaassat, inuussutissarsiornermikkut ilisimalikkatik pillugit Sulisillutik ajoqusersimasunik Sullissivimmut aamma Sullivinnik Nakkutilliisoqarfimmut nalunaaruteqartarnissaat pillugu maleruagassat suliaaqqartitsinermit ministerip aalajangersassavai.

**§ 40.** Nalunaarutit sunik paasissutissartaqarnissaat qanorlu nalunaaruteqartoqartarnissaa pillugit maleruagassat Arbejdsskadestyrelsen pisortaata aalajangersassavai. Sulisilluni ajoqusernerit qarasaasiat aqqutigalugit nalunaarutigineqarsinnaanerit maleruagassiani allassimasinnaavoq.

*Imm. 2.* Kommunalbestyrelsen, Arbejdsmarkedets Erhvervssygdomssikringip aamma sillimmasiisarfiit inatsisip atuutsinneqarnerani peqataanissaat pillugu maleruagassat erseqqinnerusut Arbejdsskadestyrelsen pisortaata aalajangersarsinnaavai.

*Imm. 3.* Sulisilluni ajoqusernerit nalunaarutigineqartarnissaat nakorsallu uppersaaitit oqaaseqaataannik, suliasap suliarineqarnissaani pisariaqartinneqartunik tunniussisoqartarnissaa pillugit maleruagassat Arbejdsskade styrelsen pisortaata aalajangersassavai. Nakorsat uppersaaitit oqaaseqaataasa nakorsallu allagarsiussaasa, tak. imm. 4, akimik aalajangersimasumik qanoq innikkut akilerneqartarnissaat, akillu taassuma annertussusissaa pillugit maleruagassat Arbejdsskade styrelsen pisortaata aamma aalajangersassavai.

*Imm. 4.* Nakorsat uppersaaitit oqaaseqaataannut, matumani aamma nakorsat immikkut ilisimallit uppersaaitit oqaaseqaataannut toqusimasunillu pilattaalluni misissuinerit pillugit oqaaseqaatinut, aammattaarlu oqaaseqaatinut allagartatigullu uppersaasiussanut allanut, matumani aamma naatsorsuutit kukkunersuisut naatsorsuinerannut pisariaqartunut aningaasartuutit sillimmasiisarfip aamma Arbejdsmarkedets Erhvervsyndingsringip akilissavaat.

**§ 41.** Nalunaarulli piffissaagallartillugu nassiunneqarsimangippat ajoquser tup qimagaasulluunniit inatsit malillugu taarsiiffigineqarnissaaq, sulisilluni ajoqusernermiit ukioq ataaseq qaangiutsinnagu piomasaaqatigisinnaavaat. Inuussutissarsiornermi nappaataalersunut, tak. § 8, tunngatillugu piffissarititaaq piffissamit ajoquser tup qimagaasulluunniit nappaatip inuussutissarsiummik patsiseqarsorineqarneranik ilisimannilerfianniit naatsorsorneqassaaq. §§-it 15, 22-miit 28-mut naapertorlugit taarsiiffigineqarnissamik piomasaaqatigut tunngatillugu piffissarititaasoq immikkut ittumik pissutissaqartillugu atuutsinngitsoorneqarsinnaavoq.

*Imm. 2.* Pisimasooq nalunaarutigineqartoq pissutsit ajoquser tup qimagaasulluunniit pisuussutigisaanik pissuteqartumik suliarineqarsinnaangippat, inatsit naapertorlugit piomasaaqatit sulisilluni ajoqusernermiit ukiut tallimat qaangiunnerisigut atorunnaassapput.

**§ 42.** Sulisillutik ajoqusersimasunik Sullissivik suliamik paasisimasalinnik ajoquserfiusumut misissuuartortitsisinnaavoq.

*Imm. 2.* Sulisillutik ajoqusersimasunik Sullissivip aamma Ankestyrelsen paasisutissanik sunilluunniit styrelsen pingaaruteqarsorisaaq tunineqarnissartik sulisitsisunut, sulisorisanut, kommuninut susasaqartunullu allanut, matumani aamma napparsimmavinnut, suliffeqarfinnut nakorsanullu suliarinnittunut il.il. piomasarisinnaavaat. Tamakku ilaatigut tassaapput politiinit nalunaarusiaa junartut, napparsimmavinni ullormut nalunaarsuutit taakkunungalu attuumassutillit, nioqutissiornermi periaatsit, nioqutissiat akoorutissallu sananeqaatsiminni akugisaat pillugit paasisutissat nalunaarusiallu, imaluunniit nalunaarusiat, nalunaarsuutit sananeqaatillu nassuiaatitaasa (formler) taakku assileneqarneri. Sulisillutik ajoqusersimasunik Sullissivip Kalaallit Nunaanni eqqartuussisarnermik inatsimmi kap. 8 naapertorlugit eqqartuussitigut killisiuisoqarnissaa piomasarisinnaavaa, taassuma imaqarniliorneqarnera pisinnaallugu, kiisalu toqusup timaanik pilattaasarneq pillugu inatsitigut maleruagassat naapertorlugit toqusup timaanik pilattaasoqarnissaa piomasarisinnaallugu, taamaattorli tak. § 13, imm. 2. Paasisutissat qarasaasiat aqutitigalugit piniarneqarsinnaapput.

*Imm. 3.* Peqqussut una malillugu suliarinninnissamut atugassanik Sulisillutik ajoqusersimasunik Sullissivik kommunillu sulisilluni ajoqusernerit piginnaangorsaaqqiinerillu kiisalu sioqutsilluni pensionisiat suliarineqartarnerannut paasisutissanik katersiffiit pilersinneqartarnerannut paasisutissiiffigeqatigiissinnaapput. Paasisutissiiffigeqatigiinneq innuttaasoq akuersiseqqaarnagu pisinnaavoq.

*Imm. 4.* Inunnut § 55, imm. 3-mi taaneqartunut tunngatillugu sulisilluni ajoquserneq tassunngalu atatillugu pisimasut pillugit paasisutissanik sukumiisunik umiarsuup allattaaviinut allattuinnissaq umiarsuup naalagaata pisussaaffigaa.

**§ 43.** Ajoquser toq sulisilluni ajoqusernerup pereerneratigut sapinngisamik piaarnerpaamik nakorsamut inummulluunniit peqqinnissaqarfimmi taamatut misissuinissamut piginnaatitaasumut misissor-

tissaaq, tamannalu pereerpat nakorsap imaluunniit Sulisillutik ajoqusersimasunik Sullissiviup pisariaqarsorisaatut nakorsamut katsorsartissalluni imaluunniit sungiusaqqinneqassalluni. Ajoqusertoq pisariaqassappat napparsimmavimmi assigisaaniluunniit misissugassatut uneqquusaaguni uninngassaaq. Ajoqusertoq aammattaaq Sulisillutik ajoqusersimasunik Sullissiviup aalajangiinera malillugu nakorsamut Sulisillutik ajoqusersimasunik Sullissiviup toqqagaanut misissortissaaq, sulisinnaanermut misilitsissalluni qinnuigineqarnermigullu Sulisillutik ajoqusersimasunik Sullissivimmut oqaat-sitigut nassuiaateqassalluni. Ajoqusertup aalajangersagaq manna malillugu piumasaqaatit malinngippagit § 13, imm. 1-imi maleruagassaaq atuutsinneqassaaq.

*Imm. 2.* Ajoqusertoq nakorsamut katsorsarneqarnerminut il.il., tak. imm. 1, atatillugu angalanermut aningaasartuutitut akiliunneqarnissaminut pisinnaatitaavoq, nakorsamut katsorsarneqarneq il.il. Sulisillutik ajoqusersimasunik Sullissiviup piumasaqarnera malillugu pippat. Aammattaaq ajoqusertoq katsorsartinnermini il.il. sulinikkut iluanaarutissaagaluanit annaasanut uppersaasikkanut taartisiaqarsinnaatitaavoq, tak. imm. 1, oqaaseqatigiit aappaat pingajuilu, qimagusimaneq minnerpaamik nal. akunnerinik 2-nik sivisussuseqarsimappat. Nalunaaquttap akunnermusiap annerpaaffissaa, ukiumut akissarsianut § 29, imm. 3-mi taaneqartunut naapertuuttoq naatsorsuinerminni tunngavigineqassaaq. Ajoqusernerit pillugit suliassani aningaasartuutit sillimmasiisarfinnit akilerneqassapput. Inuussutissarsiordermi nappaatigilikkat pillugit suliassani aningaasartuutit Arbejdsmarkedets Erhvervsyngdomssikringip akilissavai.

*Imm. 3.* Imm. 2 aamma atuuttassaaq paasissutissat imm. 1-imi taaneqartut Ankestyrelsimit qinnutiginerqarsimatillugit.

*Imm. 4.* Sillimmasiisarfiup imaluunniit Arbejdsmarkedets Erhvervsyngdomssikringip aningaasartuutit imm. 2 aamma 3 naapertorlugit akiliisussaanerata Sulisillutik ajoqusersimasunik Sullissiviup imaluunniit Ankestyrelsimi piumasaqaateqarneratigut pinissaanik piumasaqaat sanioqqunneqarsinnaavoq, paasissutissat Sulisillutik ajoqusersimasunik Sullissiviup imaluunniit Ankestyrelsimi pisariaqartuusorippagit. Sulisilluni ajoqusernerut tunngatillugu suliassani sillimmasiisarfiup taamaallaat akilissavai aningaasartuutit ajoqusernerup kingorna pinngortut akilerneqarsimasulluunniit. Inuussutissarsiordermi nappaatigilikkat pillugit suliassani Arbejdsmarkedets Erhvervsyngdomssikringip taamaallaat akilissavai aningaasartuutit ajoqusernerup nalunaarutigineqarnerata, tak. § 9, imm. 2, kingorna pinngortut akilerneqarsimasulluunniit.

*Imm. 5.* Aningaasartuutit imm. 2 aamma 3 naapertorlugit akilerneqarnissat pillugu maleruagassat Arbejdsskadeberegningen pisortaata aalajangersassavai, aammalu angalanermut il.il. qanoq annertutigisunik akiliisoqarsinnaanersoq ukiumoortumik nalunaarutigisassallugu.

**§ 44.** Sulisillutik ajoqusersimasunik Sullissiviup ajoqusertoqarneranik nalunaarummik, tak. § 7, tigusaqareernerminni kingorna kingusinnerpaamik qaammatit pingasut qaangiunneranni ajoqusertumut taassumaluunniit qimataanut nalunaarutigisavaa pisimasooq peqqussummi pineqartunut ilaanersoq. Inuussutissarsiordermi nappaataalersunut § 8, imm. 1, nr. 1-imi pineqartunut tunngatillugu qaammatit 9-t piffissarititaapput. Nappaatinut § 8, imm. 1, nr. 2-mi, aamma § 8, imm. 2-mi pineqartunut piffissarititaq § 16, imm. 1-imi taaneqartoq taamaallaat atuutissaaq.

*Imm. 2.* Ajoqusertoq ajoqusernerup nalunaarutigineqareerneratigut toquppat, toqqutaasup inatsimmi pineqartunut ilaatinneqarsinnaaneraniq qimagaasunut nalunaaruteqarnissami imm. 1-imi piffissaritat taamatulli atuutissapput. Taamaattoqartillugu piffissaritat toqunerup Sulisillutik ajoqusersimasunik Sullissivimmut nalunaarutigineqarneraniit naatsorsorneqassapput.

*Imm. 3.* Imm. 1 aamma 2 naapertorlugit aalajangiinissaaq piffissaritat naannginneranni pisinnaanngippat ajoqusertoq qimagaasulluunniit tamatuminnga ilisimatinneqassapput. Iisimatitsissut taamaattoq tassaanngilaq aalajangiineq naammagittaalliutiginerqarsinnaasoq.

*Imm. 4.* Sulisillutik ajoqusersimasunik Sullissiviup akuersissuteqarnerminut ilutigitillugu illua´tungeriinnut nalunaarutigisinnaavaa, sulisilluni ajoquserneq nalunaarutigineqartoq pillugu suliassaq taarsiissutitaqanngitsumik naammassineqartutut isigineqartariaqartoq.

**§ 45.** Sulisillutik ajoqusersimasunik Sullissiviup pisortaa, sulisilluni ajoqusernerit peqqussummi ilaatinneqartut pillugit suliassanut atatillugu oqaaseqaatinik Arbejdsskadestyrelsimut pissarsiniarsinnaatitaavoq.

## Kapitali 8 Allaffissorneq Aalajangiinissamut pisinnaatitaaneq

**§ 46.** Sulisillutik ajoqusersimasunik Sullissiviup apeqqutit tamaasa peqqussut manna naapertorlugu, Arbejdsskadestyrelsi sinnerlugu aalajangiiffigisassavai, allatut aalajangiisoqarsimangippat.

*Imm. 2.* Suliassat peqqussut manna naapertorlugu suliarineqartarnissaannut najoqqutassat Sulisillutik ajoqusersimasunik Sullissiviup aamma Arbejdsskadestyrelsip isumaqatigiissutigisassavaat.

### Suliassanngortitseqqittarneq

**§ 47.** Sulisillutik ajoqusersimasunik Sullissiviup sulisilluni ajoquserneq nalunaarutigineqartoq pillugu suliassap taarsiissutitaqanngitsumik naammassineqartutut isigineqartariaqarnera illua´tungeriinnut nalunaarutigereerpagu, tak. § 44, imm. 4, inatsit naapertorlugu piumasaqaatit nalunaarutiginninnerup ullulernerarneraniit ukiut 5-it qaangiunneranni saqqummiunneqarsinnaanngillat, Sulisillutik ajoqusersimasunik Sullissiviup taamaaliornissaq immikkut illuinnartunik pissutissaqarsorinngippagu.

**§ 48.** Ajoqusernerup inatsimmi ilaatinneqannginneranik § 44 naapertorlugu aalajangiinnerit, aalajangiinnermiit ukiunik 5-inik piffissaliussap qaangiutinnginnerani ajoquserneq qimagaasulluunniit qinuteqarnerisigut imaluunniit Sulisillutik ajoqusersimasunik Sullissiviup sulissutiginninneratigut suliassanngorteqqinneqarsinnaapput.

*Imm. 2.* Nappaatip nalunaarutigineqartup inatsimmi ilaatinneqannginnera Sulisillutik ajoqusersimasunik Sullissiviup nalunaarutigisimappagu, nappaallu taanna nappaatit allattorsimaffiannut § 8, imm. 1, nr. 1-imi taaneqartumut kingusinnerusukku ilanngunneqarluni, taava suliaq Sulisillutik ajoqusersimasunik Sullissiviup aalajangiinneraniit ukiut 5-it sinnerlugit qaangiutereersimagaluarpataluunniit suliassanngorteqqinneqarsinnaavoq.

**§ 49.** Taarsiissuteqarnissamik ajunngitsorsiaqartitsinissamillu apeqqutit, tak. §§-it 15, 22 aamma 23, siullermik aalajangiinnermi tunngavigisat annertuumik allannguuteqarsimappata ajoquserneq qinnuteqarneratigut imaluunniit Sulisillutik ajoqusersimasunik Sullissiviup sulissuteqarneratigut, aalajangiinnermiit ukiut 5-it qaangiutinnginneranni suliassanngorteqqinneqarsinnaapput. Suliassanngortitseqqinnissamut piffissarititaq ukiunik 5-inik piffissaliussaq naatinnagu sivitsorneqarsinnaavoq. Taamaaliornissamut immikkut illuinnartunik pissutissaqartillugu piffissarititat sanioqqunneqarsinnaapput.

*Imm. 2.* § 22 naapertorlugu ingerlaavartumik tunniuttakkanik pisartagalik pissutsini atugarisamini allannguutit, tunniuttakkat ikililernerneqarnissaannik tunniunneqartarunnaarnissaannilluunniit kinguneqarsinnaasorisani suulluunniit pillugit sillimmasiisarfimmut, Arbejdsmarkedets Erhvervssygdomssikringimut imaluunniit Sulisillutik ajoqusersimasunik Sullissivimmu ilisimatitsissuteqartassaq, soorluttaaq sillimmasiisarfiup, Arbejdsmarkedets Erhvervssygdomssikringip imaluunniit Sulisillu-



tik ajoqusersimasunik Sullissiviup pisartagallip atugarisaani taamatut allannguuteqarsinnaaneq eq-qumaffigissagaa.

**§ 50.** Qimagaasoq § 25, imm. 1 naapertorlugu taarsiissutinik pisartagaqarsinnaatitaasutut isigine-qanngippat, pineqartup tamatuminnnga aalajangiinermik tigusaqarnerminiit ukiut 5-it qaangiutsinna-git, taarsiissutit pillugit apeqqutip suliasanngorteqqinneqarnissaa qinnutigisinnaavaa. Taamatuttaaq qimagaasup § 25, imm. 1, tak. imm. 2, naapertorlugu taarsiissutinik pisartagaqartussanngortitaasi-masup, ingerlaavartumik tunniuttakkat piffissami aalajangersimasumik sivilissusilimmi tunniunne-qaqqittalernissaat anguniarlugu suliasanngortitseqqinnissaq tunniuttakkat unitsinneqarneranniit ukiut 5-it qaangiutsinnagit qinnutigisinnaavaa.

#### Naammagittaalliorsinnaaneq

**§ 51.** Sulisillutik ajoqusersimasunik Sullissiviup § 46 naapertorlugu aalajangiineri ukunannga An-kestyrelsimut suliasanngortinneqarsinnaapput

- 1) ajoquserumit taassumaluunniit qimataanit,
- 2) ajoqusernemi suliasat pineqartillugit sillimmasiisarfimmit,
- 3) inuussutissarsiornermi nappaatigilikkat pineqartillugit Arbejdsmarkedets Erhvervssygdomssik-ringimit aamma
- 4) sulisilluni ajoqusernerit akuersissutigineqarneri pillugit aalajangiinerit pineqartillugit sulisitsis-umit, tak. § 44.

*Imm. 2.* Inuussutissarsiummut sumut ataneq, tak. § 55, imm. 7, aamma § 56, imm. 1 aamma 4, pillu-gu Sulisillutik ajoqusersimasunik Sullissiviup aalajangiineri Arbejdsmarkedets Erhvervssygdoms-sikringip Ankestyrelsimut suliasanngortissinnaavai.

*Imm. 3.* Imm. 1 aamma 2 naapertorlugit naammagittaalliuut naammagittaalliuuteqartup, tak. imm. 1, nr. 2-miit 4-mut, aalajangiinermik tigusineraniit sap.ak. 4-t qaangiutsinnagit nassiunneqassaaq. Ajo-quserumut qimagaasunulluunniit tunngatillugu piffissaliussaq tassaavoq sap.ak. 6-it. Ajoquser-toq qimagaasulluunniit Europap avataaniikkallarpara piffissaliussaq tassaavoq qaammatit 3-t.

*Imm. 4.* Ankestyrelsip naammagittaalliuuteqarnissamut killissaritit immikkut ittunik pissutissaqar-tillugu sanioqqussinnaavai.

*Imm. 5.* Sulisitsisoq, sillimmasiisarfik imaluunniit Arbejdsmarkedets Erhvervssygdomssikring Suli-sillutik ajoqusersimasunik Sullissiviup aalajangiineranik Ankestyrelsimut suliasanngortitsippat naammagittaalliuuteqarneq kinguartitsigallarnermik sunniuteqassaaq.

*Imm. 6.* Ankestyrelsi imm. 1 aamma 2 naapertorlugit naammagittaalliummik suliaqartinnagu Suli-sillutik ajoqusersimasunik Sullissiviup nalilissavaa naammagittaalliortoq tamakkiisumik ilaanna-kuusumilluunniit tapersissallugu tunngavissaqarnerisooq. Naammagittaalliuut tamanna pissutigalugu Sulisillutik ajoqusersimasunik Sullissivimmuut nassiunneqassaaq.

*Imm. 7.* Sulisillutik ajoqusersimasunik Sullissiviup naammagittaalliortoq tapersersinnaanngippagu, naammagittaalliuut aalajangiinermut tunngavilersuummik nalileeqqinnermillu ilaqartillugu Anke-styrelsimut ingerlateqqinneqassaaq.

*Imm. 8.* Naammagittaalliuutit suliarineqartarnerat pillugu maleruagassat, matumani aamma naam-magittaalliuutinik il.il. nassiussinissamut ingerlatitseqqinnissamullu piffissaritit pillugit maleru-a-gassat suliasaqqartitsinermut ministerip aalajangersassavai.

**§ 52.** Arbejdsmarkedets Erhvervssygdomssikringip peqqussut manna naapertorlugu aalajangiineri pillugit naammagittaalliuutit aalajangiinerup nalunaarutigineqarneraniit sap.ak. 4-t qaangiutsinnagit naammagittaalliuuteqartarfimmut suliasanngortinneqarsinnaapput, tak. sulisilluni ajoqusersinnaa-nermut isumannaarineq pillugu inatsimmi § 45.

§ 53. Forsikring & Pension sulisilluni ajoqusernerit pillugit suliani, Sulisillutik ajoqusersimasunik Sullissiviup § 55, imm. 7-imut aamma § 59-imut atatitaani § 51-imi taaneqartutuut naammagittaaliuteqarsinnaatitaavoq.

#### Ingerlatsinerlutik tapiissutit

§ 54. Suliassaqartitsinerlutik ministereqarfik ukiumoortumik ingerlatsinerlutik tapiissutit Sulisillutik ajoqusersimasunik Sullissivimmut tapisuteqartassaaq suliassaqartitsinerlutik ministerip malittarisassiaasigut naleqqussagaasartunik.

#### Kapitali 9

Sulisitsisoq isumannaarinissamut pisussaaffilik namminersorlunilu inuussutissarsiummik ingerlataqartoq peqqussut naapertorlugu imminut isumannaariffigisoq

§ 55. Sulisitsisoq kinaluunniit inunnik § 2-mi taaneqartunik sulisoqartoq peqqussut naapertorlugu pisussaavoq inunnik taakkuninnga isumannaarinissamut, taamaattorli tak. imm. 3, 6 aamma 7. Sulisitsisup imm. 1-imi 3-milu taaneqartup isumannaarininnissamut pisussaaffini sulisilluni ajoqusernerit kingunerisassaannut sillimmasernermigut, tak. § 57, aammalu inuussutissarsiornermi nappaatigilikkat kingunerisassaannut sillimaniarluni Arbejdsmarkedets Erhvervssygdomssikringimut ilanngunnermigut naammassissavaa, tak. § 63.

*Imm. 2.* Namminersorlutik inuussutissarsiummik ingerlataqartut inatsit naapertorlugu imminnut isumannaariffigisinnaapput. Namminersorlutik inuussutissarsiummik ingerlataqartut sulisilluni ajoqusernerit kingunerisassaannut sillimmasernermikkut, tak. § 57, aammalu inuussutissarsiornermi nappaatigilikkat kingunerisassaannut sillimaniarlutik Arbejdsmarkedets Erhvervssygdomssikringimut ilanngunnermikkut, tak. § 63, imminnut isumannaariffigisapput.

*Imm. 3.* Umiarsuarmik Kalaallit Nunaanni angerlarsimaffeqartumik, Det Danske Skibsregisterimi imaluunniit Dansk Internationalt Skibsregisterimi nalunaarsorneqartumik imaluunniit nalunaarsorneqartussamik piginnittoq inunnik § 2-mi pineqartunik, umiarsuup naalagaata umiarsuarmi suliasisitaanik suliaqartussatut sulisussarsiarineqartunik kikkunnilluunniit isumannaarinissamut pisussaataitaavoq, pineqartup umiarsuup piginnittuanit allanilluunniit atorfinitsinneqarsimalluniluunniit akissarsiaqartinneqarnera apeqqutaatinnagu, aammalu suliat umiarsuup ingerlanneranut tunnganatik allanut tunngasuugaluarpataluunniit.

*Imm. 4.* Kinaluunniit umiarsuarmik tamakkiisumik ilaannakuusumilluunniit piginnittoq tassanilu suliaqartuusoq imminut isumannaariffigisussaavoq, umiarsuaq nuannariinnarlugu sukisaarsaataanartut atorineqartannigippat. Imminermut isumannaarinissamut pisussaataitaaneq naammassineqassaaq sulisilluni ajoqusernerit aamma inuussutissarsiornermi nappaatigilikkat kingunerisassaannut Ataatsimoortunut Sillimmasiinermi sillimmasernikkut, tak. §§-it 70-imiit 72-imut.

*Imm. 5.* Kinaluunniit nammineq akisussaaffigalugu allanilluunniit peqateqarluni inuussutissarsiutigalugu aalisarnermik, piniarnermik aallaaniarnermik assigisaanillu kiisalu savaateqarnermik ingerlataqartoq pisussaavoq ingerlatamini nammineq peqataanermi annertussusia naapertorlugu imminut isumannaariffiginissaminut. Inuit inuussutissarsiutini taaneqartuni sulisuusut sulisitsisuisa imminermi sulisorisaminnullu isumannaarinissamik pisussaataitanertik naammassissavaat sulisilluni ajoqusernerit aamma inuussutissarsiornermi nappaatigilikkat kingunerisassaannut Ataatsimoortunut Sillimmasiinermi sillimmasernermikkut, tak. §§-it 70-imiit 72-imut.

*Imm. 6.* Naalagaaffik, Namminersornerullutik Oqartussat kommunillu sulisilluni ajoqusernerit kingunerisassaannut sillimmasiinissamut pisussaangillat, tak. § 57.

*Imm. 7.* Isumannaarinissamut pisussaanermi pineqanngillat nammineq illugisami ikiortitut sulisorisat, taakkua sulinerat tamarmiisoq qaammatisiutit malillugit ukiumut nal. akunnerinit 400-nit anertunerunngippat. Sulisorisat taakku sulisillutik ajoqusernerini aningaasartuutit Sulisillutik ajoqusersimasunik Sullissivimmit siumoortumik tunniunneqassapput, qaammatisiutillu malillugit ukiuni tamani agguaanneqartassallutik sillimmasiisarfinnut sulisilluni ajoqusernissamut sillimmasiiffiusartunut tamanut. Aningaasartuutit Arbejdsskade styrelsen Finansilsyni suleqatigalugu, sulisilluni ajoqusersinnaanermut isumannaarineq pillugu inatsimmi § 48, imm. 6, oqaaseqatigiit pingajuat naapertorlugu maleruagassiai naapertorlugit agguaanneqartassapput. Sulisorisat taakku inuussutissarsiornermi nappaatigiligaannut aningaasartuutit Arbejdsmarkedets Erhvervssygdomssikringimit akilerneqassapput. Sulianut sunut ataneq Sulisillutik ajoqusersimasunik Sullissiviup aalajangissavaa, sunniutit suunerat qanorlu annertutiginerat piffissallu taakku atuuffiisa sivilissusiat naatsorsuutigalugit. Taava Arbejdsmarkedets Erhvervssygdomssikringip aningaasartuutit inuussutissarsiummut attuumassuteqarfiannut ilanngutissavai.

**§ 56.** Ajoqusertoqartillugu aningaasartuutit sulisitsisup isumannaarinninnissamut pisussaataaasup sillimmasiisarfanit imaluunniit Ataatsimoortunut Sillimmasiinermit akilerneqassapput. Inuussutissarsiornermi nappaatigilikkanut tunngatillugu aningaasartutit Arbejdsmarkedets Erhvervssygdomssikringimit akilerneqassapput. Tamanna aamma atuuppoq nammineq piuumassutsiminnik § 55, imm. 2 naapertorlugu isumannaarinnittut pineqartillugit. Suliamut sumut ataneq Sulisillutik ajoqusersimasunik Sullissiviup aalajangissavaa, sunniutit suunerat qanorlu annertutiginerat piffissallu taakku atuuffiisa sivilissusiat naatsorsuutigalugit. Arbejdsmarkedets Erhvervssygdomssikringip aningaasartuutit inuussutissarsiummut attuumassuteqarfiannut ilanngutissavai.

*Imm. 2.* Sulisitsisoq ajoquser tumut isumannaarinninnissamut pisussaataaasoq tassaavoq sulisitsisoq, suliffeqarfimmik suliarititaanilluunniit sulisilluni ajoquserfiusumik ingerlataqartoq, taamaattorli tak. imm. 3 aamma § 55, imm. 3 aamma 7. Sulisilluni ajoquserneq sulisitsisunut arlaqartunut attuumattinneqarsinnaappat Sulisillutik ajoqusersimasunik Sullissiviup aalajangissavaa sulisitsisoq sorleq isumannaarinninnissamut pisussaataanersoq.

*Imm. 3.* Ajoquser tumut aamma nammineq piuumassutsiminik isumannaarinnittumut inuussutissarsiornermi nappaateqalersumut sulisitsisoq isumannaarinninnissamut pisussaataaasoq tassaavoq suliffeqarfimmi, pineqartup nappaateqalernerata paasineqarnera kingusinnerpaamik sioqqullugu ajoqusersiisinaasumik nappaammik pineqartumik kinguneqarsimasorineqartumik sunnertiffigisimasaani sulisitsisoq. Tamannali atuutissanngilaq nappaatip suliffeqarfimmi allami sulinermik pissuteqarnera uppernarsarneqarpat.

*Imm. 4.* Sulisitsisoq imm. 3 naapertorlugu isumannaarinninnissamut pisussaataaasoq naammaginat tumik qularnaassusilimmik toqqarneqarsinnaanngippat, imaluunniit suliffeqarfik atorunnaarsimappat Sulisillutik ajoqusersimasunik Sullissiviup aalajangissavaa ajoquserneq suliamut sumut atassanersoq. Suliamut sumut atanermik Sulisillutik ajoqusersimasunik Sullissiviup aalangiinissaa, ajoquser tup namminerluunniit piuumassutsiminik isumannaarinnittup sunnigaaneri nappaammik pineqartumik kinguneqarsorineqartut suliami sumi pisimanerunerannik naliliilluarnikkut pissaaq. Naliliinermi tunngavigisanut ilaatinneqassapput sunniutit suunerat, qanoq annertutiginerat piffissarlu taakkua atuuffiat.

*Imm. 5.* Ajoquserneq inuit isumannaariffigineqartut inuit inuunerannik annaassiniarnerisa kingunerisaanik pisimappat, tak. § 4, imm. 2, nr. 3, sillimmasiisarfiup imaluunniit Arbejdsmarkedets Erhvervssygdomssikringip tunniussimasai naalagaaffiup karsianit utertinneqassapput.

*Imm. 6.* Aamma inuk peqqussut naapertorlugu isumannaariffigineqarsimanngitsoq inuup inuunerannik annaassiniartilluni ajoquserpat, tak. § 4, imm. 2, nr. 4, peqqussut naapertorlugu tunniunneqarsimasut naalagaaffiup karsiata akilissavai.

*Imm. 7.* Pisuni imm. 5-imi 6-imilu pineqartuni ajoqusertup ukiumut akissarsiai peqqussummi male-ruagassat nalinginnaasut naapertorlugit naatsorsorneqassapput.

*Imm. 8.* Ajoqusernerit inuiaqatigiinnik kiffartuussinerup imaluunniit kommunimi qinigaaneq tun-  
ngavigalugu sulinerup kingunerisai ajoqusertoqartillugu peqqussut naapertorlugi tunniunneqarsi-  
masut naalagaaffimmit, Namminersornerullutik Oqartussanit kommuninillu akilerneqassapput.  
Inuussutissarsiornermi nappaateqartoqalersillugu ajoqusernertut taamaattunut peqqussut naapertor-  
lugu tunniunneqartartut Arbejdsmarkedets Erhvervssygdomssikringip akilissavai.

## Kapitali 10 Isumannaarinninnissamut pisussaataaneq Sillimmasiineq

**§ 57.** Sulisitsisut isumannaarinninnissamut pisussaataasut, tak. § 55, aamma nammineq piumasut-  
siminnik § 55, imm. 2 naapertorlugi isumannaarinnissimasut ajoqusernissamut aarlerinaateqarsin-  
naasunut pisussaaffitik sillimmasiisarfimmut, peqqussut manna naapertorlugi ajoqusernissamut sil-  
limmasiisarfiusumut nuussavaat, Ataatsimoortunut Sillimmasiinermit ilaasortaangikkunik, tak.  
§§-it 70-imiit 72-imut.

**§ 58.** Sulisitsisoq inatsit malillugu sillimmasiisussaagaluarluni sillimmasiinngitsoq sillimmasiis-  
summilluunniit taamaattumik atuutsitsinngitsoq sillimmasiisarfimmut akiliutissamut akilerneqarsi-  
masussaagaluartumut naapertuuttumik akiliuteqassaaq. Akiliutissap annertussusissaa Sulisillutik  
ajoqusersimasunik Sullissiviup aalajangissavaa. Aningaasat Sulisillutik ajoqusersimasunik Sullissi-  
vik aqutigalugu Arbejdsskade styrelsimut akilerneqassapput, maleruagassallu Arbejdsskade styrel-  
sip Finanstilsyni suleqatigalugu aalajangersagai naapertorlugit sillimmasiisarfimmut sulisilluni ajo-  
qusersinnaanermut sillimmasiiffiusartunut tamanut pisassanngortinneqassallutik, tak. sulisilluni  
ajoqusersinnaanermut isumannaarineq pillugu inatsimmi § 51. Sulisitsisup aningaasat akiligassan-  
ngorsimasut akilinngippagit Kalaallit Nunaanni eqqartuussisarnermik inatsimmi kap. 7-imi maleru-  
agassat naapertorlugit akilersinniarneqarsinnaapput.

**§ 59.** Sulisilluni ajoqusertoqarsimappat sulisitsisullu isumannaarinninnissamut pisussaaffini sillim-  
masiinermit naammassisimangippagu, Sulisillutik ajoqusersimasunik Sullissiviup aningaasar-  
tuutit § 11-mi, § 40, imm. 4-mi 5-imilu aamma §§-ini 43-mi 67-imilu taaneqartut siumoortumik aki-  
lissavai.

*Imm. 2.* Sulisitsisup aningaasat tunniunneqarsimasut, tak. imm. 1, Sulisillutik ajoqusersimasunik  
Sullissivimmut utertissavai, sulisitsisoq tamakkiisumik ilaannakuusumilluunniit akiliuteqanngit-  
soortitaanissamut utoqqatsissutissaqartutut Sulisillutik ajoqusersimasunik Sullissiviup isumaqarfi-  
ginngippagu. Sulisillutik ajoqusersimasunik Sullissiviup aningaasat Kalaallit Nunaanni eqqartuussi-  
sarnermik inatsimmi kap. 7-imi maleruagassat naapertorlugit akilersinniarneqarsinnaavai.

*Imm. 3.* Sulisillutik ajoqusersimasunik Sullissiviup naleqquttuursorinninnini naapertorlugi sulisitsi-  
soq aningaasanik akiligassaanik isumakkeerfiginnaavaa.

*Imm. 4.* Aningaasat Sulisillutik ajoqusersimasunik Sullissiviup imm. 1 naapertorlugi tunniussima-  
sai § 55, imm. 7, oqaaseqatigiit aappaanni pingajuinilu maleruagassat naapertorlugit, aningaasanik  
imm. 2 naapertorlugi utertinneqarsimajunnartunik ilanngarlutik sillimmasiisarfimmut sulisilluni ajo-  
qusersinnaanermut sillimmasiiffiusartunut tamanut agguanneqassapput.

*Imm. 5.* Suliffeqarfik sulisilluni ajoquserfiusoq atorunnaarsimappat, sillimmasiisarfimmillu toqqa-  
soqarsinnaangippat imm. 1-imi 4-milu maleruagassat taamatuttaaq atuutsinneqassapput.

**§ 60.** Sillimmasiisarfiup sulisisitsisup isumannaarinninnissamut pisussaataitaasup namminersorluniluunniit inuussutissarsiummik ingerlataqartup aarlerinartorsiorfigisinnaasai tigusimagunigit, tak. § 57, sillimmasiisarfik akiliisussangussaaq, sillimmasiineq pillugu isumaqatigiissuteqarnermi akissusaaffigisassat suuneri annertussusiilu pillugit naatsorsuutigisassat eqqunngitsut tunngavigineqarsimagaluarpataluunniit.

**§ 61.** Sulisilluni ajoqusersinnaanermut inatsisit malillugit sillimmasiisusnaanermut akiliutissat piffissaq eqqorlugu akilernerqarsimangippata sillimmasiisarfiup aningaasat Kalaallit Nunaanni eqqartuussisarnermik inatsimmi kap. 7-imi maleruagassat naapertorlugit akilersinniarsinnaavai.

**§ 62.** Sulisilluni ajoqusersinnaanermut sillimmasiissutit sillimmasiisarnermik ingerlataqarneq pillugu inatsimmi § 250, imm. 2 naapertorlugu Arbejdsskade styrelsimit aqutassanngortinneqarsimappata ajoqusernerit, ullup sillimmasiisarfiup atorunnaarfiata kingornatigit sillimmasiisarfiimmut nalunaarutigineqartut tamarmik Arbejdsskade styrelsimut nassiunneqassapput. Tamatumunnga peqatigitillugu aningaasaatit sillimmasiisarfiup, aningaasaqarnermik ingerlataqarneq pillugu inatsit naapertorlugu immikkoortissimasai, sillimmasiisarfiullu atorunnaarnerata nalaani peqqussut naapertorlugu sillimmasiissutinut pigisaanut tunngasuusut Arbejdsskade styrelsimut tunniunneqassapput.

*Imm. 2.* Sillimmasiissutit aqunneqarnerannut atatillugu aningaasartuutit Arbejdsskade styrelsimit siumoortumik tunniunneqartassapput, qaammatisiutillu malillugit ukiuni tamani sillimmasiisarfinnut, sulisilluni ajoqusersinnaanermut sillimmasiiffiusartunut tamanut, sulisilluni ajoqusersinnaanermut isumannaarineq pillugu inatsimmi § 48, imm. 6, oqaaseqatigiit aappaanni pingajuannilu maleruagassat naapertorlugit agguataarneqassallutik. Aningaasaatit tunniunneqarsimasut maleruagassat taakku malillugit agguataarneqassapput.

#### Arbejdsmarkedets Erhvervssygdoms sikringimut ilanngunneq

**§ 63.** Sulisisitsisut isumannaarinninnissamut pisusaataitaasut, tak. § 55, aamma nammineq piumassutisiminnik § 55, imm. 2 naapertorlugu isumannaarinnittut Arbejdsmarkedets Erhvervssygdoms sikringimut akiliuteqartassapput, tak. § 69, Ataatsimoortunut Sillimmasiinerneq ilaasortaannikkunik, tak. §§ 70-imiit 72-imut.

*Imm. 2.* Arbejdsmarkedets Erhvervssygdoms sikringi sulisisitsisumut isumannaarinninnissamut pisusaataitaasumut namminersorluniluunniit inuussutissarsiummik ingerlataqartumut aarlerinaataasinnaasunik tigusisimappat Arbejdsmarkedets Erhvervssygdoms sikringi akiliisussangussaaq, sulisisitsisup isumannaarinninnissamut pisussaataitaasup namminersorluniluunniit inuussutissarsiummik ingerlataqartup akiliutissaasa annertussusilerneqarneranni akissusaaffigisassat suuneri annertussusiilu pillugit naatsorsuutigisassat eqqunngitsut tunngavigineqarsimagaluarpataluunniit.

*Imm. 3.* Isumannaarinninnissamut pisusaataitaasoq, sillimmasiisarfik pisortallu oqartussaasut qinnuigineqarnermikkut inatsit naapertorlugu akiliutissat annertussusilerneqarnissaannut pingaarutilinnik paasissutissanik Arbejdsmarkedets Erhvervssygdoms sikringimut tunniussissapput. Tamanna aamma atuuppoq nammineq piumassutisiminnik § 55, imm. 2 naapertorlugu isumannaarinnittunut. Paasissutissanik Arbejdsmarkedets Erhvervssygdoms sikringimut tunniussisussaataitaaneq atuutinngilaq nipangiussisussaataitaaneq inatsisitigit allatigit immikkut aalajangersaavigineqarsimappat.

*Imm. 4.* Akiliutissat akilersinniarnernut aamma inuussutissarsiornermi nappaatigilikkat pillugit nalunaarutit suliarineqarnissaannut atugassatut Arbejdsmarkedets Erhvervssygdoms sikringip, Arbejdsmarkedets Tillægspensionip sulisisitsisunut inunnullu nalunaarsuiffiani paasissutissat, Arbejdsmarkedets Tillægspensionip ATP-mut akiligassiissutinut sulisisitsisut akilersimasaannik allattorsimaffiutaani paasissutissat kiisalu sulisisitsisunut tunngasuunik aamma Arbejdsmarkedets Tillægspensi-

onip akissarsiortunut nalunaarsuiffiani inuit ATP-mut akiliutigisimasaat pillugit paasissutissat qaraasaasiat aqcutigalugit pissarsiarisinnaavai.

**§ 64.** Arbejdsmarkedets Erhvervssygdомssikringip siulersuisuisa akiliutissat akilernissaat, matumani aamma akiliinissamut piffissarititaq, pillugit maleruagassat erseqqinnerusut aalajangersassavaat. Maleruagassiatigut taakkunuunatigut aalajangerneqarsinnaavoq Arbejdsmarkedets Erhvervssygdомssikring akiliutissat akilerneqannginnerat pissutigalugu suliarinninnermut akileeqqusisinnaasoq aammalu akiliutissanik kinguartitsisinnaasoq kiisalu akiliutissat, erniat suliarinninnermullu akiliutissat akilerneqarnissaannik isumakkeerinnissinnaasoq.

*Imm. 2.* Akiliutissat piffissaatillugu akilerneqanngippata isumannaarinninnissamut pisussaatitaasoq aammalu nammineq piumassutsiminik § 55, imm. 2 naapertorlugu isumannaarinnittoq akiliutissat ullormit akilerneqartussanngorfianniit erniaannik, kingusinaarluni akiliinermi il.il. ernialersuisarneq (pillaammik ernialersuisarneq) pillugu inatsimmi, Kunngip peqqussutaatigut Kalaallit Nunaanni atuuttussanngortinneqarsimasumi § 5 naapertorlugu sukkulluunniit annertussusilerneqartartunik, akiliissaq.

*Imm. 3.* Akiliutissat piffissaatillugu akilerneqanngippata aningaasat Arbejdsmarkedets Erhvervssygdомssikringip, Kalaallit Nunaanni eqqartuussisarnermik inatsimmi kap. 7-imi maleruagassat naapertorlugit akilersinniarsinnaavai.

*Imm. 4.* Piumasarisat Arbejdsmarkedets Erhvervssygdомssikringip kapitali manna naapertorlugu pisassarisai, pisassarisat ilaasa pisoqalisootarnerannik inatsimmi nr. 274, 22. december 1908-meersumi, pigisanut tunngatillugu eqqartuussisarnermi inatsisit il.il. ilaasa Kalaallit Nunaanni atuuttussanngortinneqarnerat pillugu inatsisikkut nr. 104, 31. marts 1965-imeersukkut atuutilersinneqarsimasumi maleruagassat naapertorlugit pisoqalisassapput.

*Imm. 5.* Arbejdsmarkedets Erhvervssygdомssikringi Kalaallit Nunaanni akileraartarnermut oqartusaasunit aammalu Namminersorerullutik Oqartussani oqartusaasunit allanit, isumannaarinninnissamut pisussaatitaasoq aamma nammineq piumassutsiminik § 55, imm. 2 naapertorlugu isumannaarinnittoq pillugit paasissutissanik, akiligassat akilinngitsuukkat, erniat suliarinninnermullu akiliutissat akilersinniarnegarnissaannut pisariaqartinneqartunik, matumani aamma aningaasarsianut pigisannullu tunngasut pillugit paasissutissanik pissarsiniarsinnaavoq.

**§ 65.** Inuussutissarsiordermi nappaateqartoqalersimappat, sulisitsisorlu isumannaarinninnissamut pisussaatitaasoq akiliutissamik akiliisimangippat Arbejdsmarkedets Erhvervssygdомssikringip aningaasartuutit § 11-mi, § 40, imm. 4-mi 5-imilu aamma §§-ini 43-mi 67-imilu taaneqartut siu-moortumik akilissavai.

*Imm. 2.* Sulisitsisup aningaasat tunniunneqarsimasut Arbejdsmarkedets Erhvervssygdомssikringimut utertissavai, tak. imm. 1, pineqartup tamakkiisumik ilaannakuusumilluunniit akiliuteqanngitsoortitaanissamut utoqqatsissutissaqarnera Sulisillutik ajoqusersimasunik Sullissivimmit nalilerneqanngippat.

*Imm. 3.* Sulisillutik ajoqusersimasunik Sullissiviup naapertuuttuosorinninnini naapertorlugu sulisitsisoq aningaasat akilernissaannik isumakkeerfigisinnaavaa.

*Imm. 4.* Aningaasat Arbejdsmarkedets Erhvervssygdомssikringip imm. 1 naapertorlugu akilersimaisai § 55, imm. 7, oqaaseqatigiit sisamaanniit arfernannut maleruagassat naapertorlugit, aningaasat imm. 2 naapertorlugu utertitsissutaasimasinnaasut ilanngaatilugit agguataarneqassapput.

*Imm. 5.* Arbejdsmarkedets Erhvervssygdомssikringip aningaasat aqqissuussinnermut 1. januar 1999-ip kingornatigut akilerneqarsimasussanut naapertuuttut sulisitsisumut akilersinniarsinnaavai.

*Imm. 6.* Imm. 2 naapertorlugu utertitassatut piumasarisat, taakku § 68 naapertorlugu erniaat kiisalu imm. 5 naapertorlugu utertitassatut piumasarisat taakkulu § 64, imm. 2 naapertorlugu erniaat piffissaatillugu akilerneqanngippata aningaasat Arbejdsmarkedets Erhvervssygdомssikringip, Kalaallit

Nunaanni eqqartuussisarnermik inatsimmi kap. 7-imi maleruagassat naapertorlugit akilersinniarsinnaavai. Taamatuttaaq § 64, imm. 5-imi maleruagassaq atuutsinneqassaaq.

Arbejdsmarkedets Erhvervssygdomssikringimut akiliutissat tamarmiusut annertussusilerneqartarnerat

**§ 66.** Sulisitsisut isumannaarinninnissamut pisussaataitasut, aamma nammineq piumassutsiminnik § 55, imm. 2 naapertorlugu isumannaarinnittut inuussutissarsiornermi nappaatigilikkat kingunerisassaannut inatsit malillugu isumannaarinnermut aningaasartuutit Arbejdsmarkedets Erhvervssygdomssikringimut akiliutissamik akiliisarnermikkut matussusissavaat.

*Imm. 2.* Sulisitsisup isumannaarinninnissamut pisussaataitasup aamma nammineq piumassutsiminnik § 55, imm. 2 naapertorlugu isumannaarinnittup akiliutissaasa annertussusissaat Arbejdsmarkedets Erhvervssygdomssikringip siulersuisuisa aalajangersassavaat. Akiliutissat sulisitsisup namminersorluniluunniit inuussutissarsiummik ingerlataqartup pineqartup suliament sumut atanera, aalajangersimasumik sulisorisaasa amerlassusiat aamma aningaasartuutigiumaagassaatut ilimagisat tunngavigalugit aalajangersarneqassapput.

*Imm. 3.* Arbejdsmarkedets Erhvervssygdomssikringip siulersuisuisa akiliutissanik aalajangersaanerminni pisussaaffigaat, aarlerinaataasinnaasunik inatsit naapertorlugu isumannaarinnermut pisariaqartunik matussusiinissap saniatigut aamma isumannaatumik aqutsinissamut pisariaqartut taamaallaat akiligassiisutigineqarnissaat. Taakku naatsorsornissaannut maleruagassat erseqqinnerusut Finanstilsynip aalajangersarsinnaavai.

*Imm. 4.* Kiisalu Arbejdsmarkedets Erhvervssygdomssikringip akiliutissanut ilanngullugit akiligassiisutigissavai akileraarutit il.il., taakku inatsimmi matumani inatsisiniluunniit allani aalajangersarneqarsimanerat apeqqutaatillugu.

Aqutsinnermut akiliuteqarneq ernialiinerillu pillugit ataatsimut aalajangersakkat

**§ 67.** Sillimmasiisarfiit sulisilluni ajoqusersinnaanermut sillimmasiiffiusartut aamma Arbejdsmarkedets Erhvervssygdomssikring, Sulisillutik ajoqusersimasunik Sullissiviup aamma Ankestyrelsen pissutsinik inatsimmi pineqartunik, pineqartunullu tunngassuteqartunik aqutsinerannut akiliuteqassapput. Akiliisarneq taakkuninngalu akiligassiisarneq pillugit maleruagassat Arbejdsskadestyrelsen pisortaata aalajangersassavai.

*Imm. 2.* Arbejdsskadestyrelsen pisortaata sillimmasiisarfiit imm. 1-imi taaneqartut aamma Arbejdsmarkedets Erhvervssygdomssikring kisitsisinngorlugit paasissutissanik assigisaannillu pissarsiniaqullugit peqqusinnaavai.

**§ 68.** Aningaasat Sulisillutik ajoqusersimasunik Sullissiviup § 55, imm. 6, aamma § 59, imm. 1 aamma 5 naapertorlugit, imaluunniit Arbejdsmarkedets Erhvervssygdomssikringip § 65 naapertorlugu siumoortumik akilerallarsimasaat ukiumoortumik ernianik, aningaasat niuerutigiissutaaneranni Nationalbankip ullormiit ullormut ernialiuttagaasa agguaqatigiissinnerannut naapertuuttunik ernialersorneqassapput. Erniat Arbejdsskadestyrelsen pisortaata sulisilluni ajoqusersinnaanermut isumannaarineq pillugu inatsimmi § 60, imm. 1 naapertorlugu maleruagassai naapertorlugit naatsorsorneqassapput.

Arbejdsmarkedets Erhvervssygdomssikring

**§ 69.** Sulisilluni ajoqusersinnaanermut isumannaarineq pillugu inatsimmi kapitali 11-mi Arbejdsmarkedets Erhvervssygdomssikring pillugu maleruagassat katitigaaneq, suliassat, aqutsineq, aktu-

arimut tunngassuteqartut, ukiumoortumik naatsorsuutit kukkunersiuisarnerlu, aningaasalersuinermi maleruagassat aammalu nakkutilliineq eqqarsaatigalugit taamatulli atuutsineqassapput.

#### Ataatsimoortunut Sillimmasiineq pillugu immikkut

**§ 70.** Inunnut, inuussutissarsiutini § 55, imm. 5-imi taaneqartuni sulisuusunut sulisitsisut isumannaarinninnissamut pisussaataitaasut Ataatsimoortunut Sillimmasiinermit ilaasortaapput.

*Imm. 2.* Sulisitsisut peqqussut manna naapertorlugu imminnut isumannaariffiginnittussaataitaasut, tak. § 55, imm. 4 aamma 5, isumannaarinninnermi pisussaaffii Ataatsimoortunut Sillimmasiinerup aammattaaq nangissavai.

*Imm. 3.* 15 meterinik taakkunanngalu takinerusunik kilisaataatillit Ataatsimoortunut Sillimmasiinermit ilaasortaangillat.

*Imm. 4.* Sulisillutik ajoqusersimasunik Sullissivik Ataatsimoortunut Sillimmasiinermit isumannaarinnittarfiuvoq. Peqqussummi uani § 60-imi malittarisassaq Ataatsimoortunut Sillimmasiinermit taamatutaaq atuuppoq.

**§ 71.** Inuit Ataatsimoortunut Sillimmasiinermi § 70, imm. 1-imi 2-milu taaneqartumi ilaatinneqartut akiliutissaasa annertussusissaat suliaasqartitsinermit ministerip, Sulisillutik ajoqusersimasunik Sullissiviup inassuteqarneratigut aalajangersassavai.

*Imm. 2.* Akiliutit akilerneqartut taarsiissutissatigut pisussaaffinnik matusissutaasinnaangippata aningaasat amigaataasut naalagaaffimmit akilerneqassapput.

*Imm. 3.* Naalagaaffik inuit § 70, imm. 1-imi 2-milu pineqartut sulisilluni ajoqusersinnaanermut sillimmasiinermit akiliutissaannik appartitsinissamut tapiissuteqartassaaq. Tapiissutit taamaallaat suliffeqarfiit inummit ataatsimit ingerlanneqartut sillimmasiinermit akiliutissaannut tunniunneqartassapput, aammalu § 55, imm. 4 naapertorlugu immiunut isumannaariffiginermut aamma suliffeqarfiup sulisorisaanik imm. 5 naapertorlugu isumannaarinninnermit tunniunneqartassallutik.

*Imm. 4.* Tapiissutit akiliutissap 2/5-iisut annertutigisut maleruagassat Arbejdsskadestyrelsip pisortaata aalajangersagai naapertorlugit tunniunneqartassapput.

**§ 72.** Arbejdsskadestyrelsip pisortaata akiliutissanik akiligassiisarneq pillugu maleruagassat Sulisillutik ajoqusersimasunik Sullissivik isumaqatiginiareerlugu aalajangersassavai. Sulisut isumannaariffigineqarnissaannut akiliutissat akilerneqareersussanngorsimasut Kalaallit Nunaanni eqqartuussisarnermik inatsimmi kap. 7-imi maleruagassat naapertorlugit akilersinniarneqarsinnaapput. Tamanna aamma atuuppoq sulisunut ajoqusersimasunut akiliutigineqarsimasunut. Peqqussummi § 59, imm. 1-imiit 3-mut atuupputaaq sulisunut ajoqusersimasunut akiliutigineqarsimasunut, sulisitsisoq Ataatsimoortunut Sillimmasiinermit akiligassamik akiliisimangikkaangat.

#### Kapitali 11

#### Aalajangersakkat assigiinngitsut

**§ 73.** Peqqussut naapertorlugu pisartagaritit ajoqusiisumut, ajoqusertumut taassumaluunniit qimataanut taarsiisussanngortitaasimasumut akilersinniarneqarnissaat piumasarineqarsinnaangilaq. Ajoqusertumut taassumaluunniit qimataanut peqqussut manna naapertorlugu pisartagaritinneqartut akilerneqarsimappata akilerneqarnissaannulluunniit pisussaataitaasoqarpat, pineqartut taarsiissuteqartussaataitaasumut piumasaqaataat ikililerneqassapput.



§ 74. Isumannaarinninnissamut pisussaatitaasup aammalu tunineqarsinnaatitaasup akornanni isumaqatigiissutit atuussinnaatitaassanngillat peqqussummi aalajangersakkat atuutinnginnissaannik, imaluunniit tunineqarsinnaatitaasut sillimmasiinermit akiliutissamik sillimmasiisarfirmut imaluunniit akiliutissamik Arbejdsmarkedets Erhvervssygdomssikringimut, isumannaarinninnissamut pisussaatitaasup peqqusut naapertorlugu akiligassarisaanik akiliuteqarnissaannik, imaluunniit pinngitsoorani pisartagassat peqqusut naapertorlugu naatsorsorneqannginnissaannik kinguneqassappata kinguneqarpataluunniit. Taamatuttaaq peqqusut naapertorlugu isumannaarinissaq pissutigalugu akissarsianit unerartitsinissamik isumaqatigiissutaasimasut atuussinnaatitaanngillat.

§ 75. Suliassaqartitsinermit ministerip naalagaaffiit allat isumaqatigiissuteqarfigereerlugit, peqqussummi aalajangersakkat imaluunniit naalagaaffiup allap taassuma tamakkununga inatsisaataasa pissutsinut peqqussummi aalajangersarneqartunut qanoq annertutigisumik atuutinneqarnissaat pillugu maleruagassat aalajangersarsinnaavai.

*Imm. 2.* Sulinermit inuussutissarsiuteqartut il.il. isumaginninnikkut isumannaallisaavigineqarnerat pillugu De Europæiske Fællesskabit peqqusutaat atorneqartariaqartillugit, peqqussummi maleruagassanik sanioqutitsisinnaaneq pillugu aalajangersakkat suliassaqartitsinermit ministerip aalajangersassavai.

§ 76. Sulisillutik ajoqusersimasunik Sullissiviup sulisui, matumani aamma nakorsat siunnersortigisagai, sillimmasiisarfinni imaluunniit Arbejdsmarkedets Erhvervssygdomssikringimi atorfeqartuusinnaanatuunniit siulersuisooqataasinnaanngillat.

§ 77. Sulisillutik ajoqusersimasunik Sullissivik qinnuigineqarnermigut, aammalu inatsimmi matumani aalajangersakkanik atuilluni, inunnik ajoqusiinermit tunngasutigut apeqqutit inatsimmi pineqanngitsut pillugit oqaaseqaateqartarsinnaavoq. Sulisillutik ajoqusersimasunik Sullissivik taamatuttaaq taarsiissutissat pillugit akisussaassuseqarnermik inatsisip Kalaallit Nunaanni atortuulersinneqarneranik peqqussummi § 10 naapertorlugu oqaaseqaateqartarsinnaavoq.

*Imm. 2.* Oqaaseqaatinut taamaattunut akiliummik Arbejdsskadestyrelsip pisortaata annertussusili-gaanik akiliuteqartoqartassaaq.

§ 78. Sulisitsisoq isumannaarinninnissamut pisussaatitaasoq sillimmasiinngitsoq imaluunniit Arbejdsmarkedets Erhvervssygdomssikringimut ilanngutinngitsoq akiliisussanngortitaassaaq.

*Imm. 2.* Sulisitsisoq isumannaarinninnissamut pisussaatitaasoq sillimmasiinermit atuutitsinngitsoq imaluunniit Arbejdsmarkedets Erhvervssygdomssikringimut akiliutissanik akiliinngitsoq akiliisus-sanngortitaassaaq.

*Imm. 3.* Sulisitsisoq isumannaarinninnissamut pisussaatitaasoq sulisilluni ajoqusernermik piffissaa-gallartillugu nalunaaruteqanngitsoq imaluunniit sulisilluni ajoquserneq nalunaarutigineqarsimasooq pillugu paasissutisseeqataajumanngitsoq, tak. kapitali 7, akiliisussanngortitaassaaq.

*Imm. 4.* Unioqutitsinerit aktieselskabinit, andelselskabinit, anpartsselskabinit assigisaannilluunniit unioqutitsinerusut selskabimut namminermit akiliisitsissutaasinnaapput.

*Imm. 5.* Unioqutitsineq naalagaaffimmit, Namminersorerullutik Oqartussanit, kommunimit kom-munilluunniit suleqatigiiffiannit unioqutitsineruppat naalagaaffik, Namminersorerullutik Oqartus-sat, kommuni kommunilluunniit suleqatigiiffiat akiliisitaanissamut akisussaaffilerneqarsinnaavoq.

## Kapitali 12

### Aalajangersakkat atuutilersitsissutaasut ikaarsaarutaasullu

**§ 79.** Peqqussut atuutilissaaq ulloq 1. januar 2009.

*Imm. 2.* Peqqussut atuutsinneqassaaq

1) sulisilluni ajoqusernertut ulloq 1. januar 2009-mi taassumaluunniit kingorna pisunut, aamma  
2) inuussutissarsiornermi nappaatigilikkanut ulloq 1. januar 2009-mi taassumaluunniit kingorna nalunaarutigineqartunut.

*Imm. 3.* Inuit § 55, imm. 2 naapertorlugu isumannaariffigineqartut pineqartillugit peqqussummi aalajangersakkat taamaallaat atuutsinneqassapput sunnerneqarnerit ulloq 1. januar 2009-mi taassumaluunniit kingorna pisunut. Ajoqusertoq inatsisit siusinnerusukkut atuuttut naapertorlugit ulloq taanna sioqqullugu isumannaariffigineqarsimappat piffissat pineqartup isumannaariffigineqarsimameri ilanngunneqassapput.

*Imm. 4.* Peqqussutip matuma atuutilerit ilutigalugu Kalaallit Nunaanni sulisilluni ajoqusernerit kingunerisassaannut isumannaarineq pillugu inatsisip atortuulersinneqarneranik peqqussut nr. 273, 24. april 2001-imeersoq atorunnaarsinneqassaaq.

*Imm. 5.* Peqqussut, tak. imm. 4, suli makkununga atuutissaaq

1) ajoqusernertut, kivitsinerliornikkut tassangaannartumik ajoqusernertut aamma ajoqusiisinnasunit sivikitsumik sunnertinnertut 1. januar 2009 sioqqullugu pisimasunut, aamma  
2) inuussutissarsiornermi nappaatigilikkanut 1. januar 2009 sioqqullugu nalunaarutigineqarsimasunut.

*Imm. 6.* Suliassani imm. 5-imi pineqartuni makku pineqartillugit peqqussummi matumani §§-it 31, imm. 3, 34, 46, 51 atorneqassapput, tassa peqqussummi nr. 273, 24. april 2001-imeersumi §§-inut 45-mut, 49, imm. 4-mut, 65-imut, 66-imut taarsiullugit.

*Imm. 7.* Peqqussutip atuutilerit atigut aningaasat §§-ini 23-mi, 24-mi aamma 29, imm. 3-mi, 4-mi aamma 5-imi allassimasut § 30 naapertorlugu iluarsivigineqassapput. Arbejdsskadestyrelsen pisor-taata nalunaarutigissavaa naleqqussaanerit suut pissanersut.

**§ 80.** Ajoqusernissamat sillimmasiisarneq pillugu Kalaallit Nunaannut peqqussut naapertorlugu ullormusiat aamma ingerlaavartumik erniat, tak. peqqussut nr. 42, 2. februar 1962-imeersoq, tunngaviusumik erniat 1. april 1984-imi atuuttut, tak. peqqussummi nr. 103, 19. marts 1984-imeersumi § 44 B, 183,0 pct.-iannut qaffanneqassapput 1. januar 2009-miit atuutilersumik.

*Imm. 2.* Ajoqusernerit 1. januar 1980-ip aamma 31. marts 1984-ip akornanni pisimasut kingunerisaaannik, sulisilluni ajoqusernissamat sillimmasiisarneq pillugu Kalaallit Nunaannut peqqussut naapertorlugu ullormusiat aamma ingerlaavartumik tunniunneqartartut, tak. peqqussut nr. 558, 19. marts 1979-imeersoq, tunngaviusumik tunniunneqartartut 1. april 1984-imi atuuttut, tak. peqqussummi nr. 103, 19. marts 1984-imeersumi § 44 A, 183,0 pct.-iannut qaffanneqassapput 1. januar 2009-miit atuutilersumik.

*Imm. 3.* Ajoqusernerit 1. april 1984-ip aamma 31. marts 1988-ip akornanni pisimasut kingunerisaaannik, sulisilluni ajoqusernissamat sillimmasiisarneq pillugu Kalaallit Nunaannut peqqussut naapertorlugu ullormusiat aamma ingerlaavartumik tunniunneqartartut, tak. peqqussut nr. 558, 19. marts 1979-imeersoq, ingerlaavartumik tunniunneqartartut tunngaviusumik akissarsianut naapertuuttut 183,0 pct.-iannut qaffanneqassapput 1. januar 2009-miit atuutilersumik.

*Imm. 4.* Sulisilluni ajoqusernissamat sillimmasiisarneq pillugu Kalaallit Nunaannut peqqussut naapertorlugu ullormusiat aamma ingerlaavartumik tunniunneqartartut, tak. peqqussut nr. 145, 16. marts 1988-imeersoq, ingerlaavartumik tunniunneqartartut tunngaviusumik akissarsianut naapertuuttut 183,0 pct.-iannut qaffanneqassapput 1. januar 2009-miit atuutilersumik.

*Imm. 5.* Kalaallit Nunaanni sulisilluni ajoqusernerit kingunerisassaannut isumannaarineq pillugu inatsisip atortuulersinneqarneranik peqqussut naapertorlugu ullormusiat aamma ingerlaavartumik tunniunneqartartut, tak. peqqussut nr. 818, 11. september 1996-imeersoq, ingerlaavartumik tunniun-

neqartartut tunngaviusumik akissarsianut naapertuuttut 183,0 pct.-iannut qaffanneqassapput 1. januar 2009-miit atuutilersumik.

*Imm. 6.* Kalaallit Nunaanni sulisilluni ajoqusernerup kingunerisassaannut isumannaarineq pillugu inatsisip atortuulersinneqarneranik peqqussut naapertorlugu ullormusiat aamma ingerlaavartumik tunniunneqartartut, tak. peqqussut nr. 273, 24. april 2001-imeersoq, ingerlaavartumik tunniunneqartartut tunngaviusumik akissarsianut naapertuuttut 183,0 pct.-iannut qaffanneqassapput 1. januar 2009-miit atuutilersumik.

*Imm. 7.* Ullormusiat, erniat aamma ingerlaavartumik tunniunneqartartut, tak. imm. 1-imiit 6-imut, peqqussummi matumani § 30 naapertorlugu iluarsiivigineqassapput 1. januar 2009-miit atuutilersumik.

*Imm. 8.* Imm. 1 sillimasiinernut, ajunaarnissamut sillimasiisarneq pillugu peqqussummi §§-it 55 aamma 59, imm. 1 naapertorlugit sillimasiissutaasimasunut atuutinngilaq.

**§ 81.** Nalunaarutit peqqussutit maanna atorunnaarsinneqartut naapertorlugit aalajangersarneqarsimasut atorunnaarsinneqarsertlutik allanngortinneqarsertlutilluunniit atuutiinnassapput.

**§ 82.** Isumannaarinninnissamut pisussaatitaasup akiliutissap qaffanneqarnera, peqqussutip matuma kingunerisaanik aningaasartuutit qaffannerinnaannik pissuteqartoq, pissutigalugu sillimasiineq atorunnaarsinniarsinnaanngilaa.

*Tunniunneqarpoq Amalienborg-imi, ulloq 3. oktober 2008.*

Dronningip Aqqani:  
FREDERIK  
Kunngissaq

/Claus Hjort Frederiksen